

MIBUZYO A BWIINGUZI

 Kwasiya kabotu, beenzuma, ncibotu kuba kokuno sunumasiku. Elyo Nda...nzila eyu musyobo onse mbo yawida ali ndime, nkaambo kakuti Ndili...ndali kuyeeya mukwesu cifumo cino, anzila Mbwe zyi kuswaangana kobilo nco kwaamba mu buzuba bomwe.

² Elyo Nda—Nda kajisi ssst kaniini mu kameneno kangu. Nda kambauka maningi. Elyo mpawo Nda njila buyo mu dolopo, kkuti eli, kabeela kaniini mukanwa kusule awa kabaanga kazwa ii...eci, ncoba ita...Obu bube okuno bwaciindi mu kkuti, ci bamba buyo eco kuzimba bubi loko cakuti Nde elede kuzumanana kumena ciindi coonse kuciindi ne Ndili omuno mu kkuti. Elyo Nda zwa, mazuba masyoonto, kula mana. Ku joka, kula jokela mukati alimwi.

³ Elyo Nda kajisi kulimvwa kwa Mukwesu Neville, mukuziba kuti—kuti ndiza tula tuli tantamukide aniini kutala lyu mugwagwa kwinda bamwi banu balombwana bakubusyi mbo mubede, alimwi aboobo tulanga nzila imbi. Aboobo tu baanga tula yandana umwi aumwi, alimwi kwalo kwindilila mbuli mazuba mbwa talika kuswena, mazuba mabi kaswena. Elyo mpawo kuziba kuti tuya kuunka lino, ndyoonya buyo, na Mwami wayanda.

⁴ Elyo Nda yeeya, nywebo mulizi, Mukwesu Boze weeleded kuba okuno Munsono mutobela mangolezya, Nda syoma. Nda...Sena wacimvwa eco? Iiyi, a Munsono mutobela mangolezya. Walo ujisi ii—ii fimu nja yanda kutondezya, ali milimo yakwe iizwa ku masi ambi oko...Wa kajisi i—i ciloto eco caka boola kuli nguwe myaka minji yakainda, kujatikizya kuboola ku Chicago. Elyo mulombwana muniini uutakweankwaya wakamvwa kunyongana konse ciindi cimwi, kati mulumbe wakwe tiwa kazulila. Elyo Nda kacipandulula kuli nguwe obo Mwami mbwa kazulizya kale. Mpawo wa ka cimvwa.

⁵ Aboobo mpawo Mwami waka mupa ciloto cimbi. Elyo mpawo cindi bupanduluzi nibwa kasika, kamwaambilila kwa kuunka a cakucita. Elyo wa kaunka okuya a, ma, oh, ma, ku Kenya a Tanganyika a Uganda, a masi ayo omuya, cila botelezya buyo eco Mwami nca kaba citila mu milimo yabo ya kultolela lusyomo. Elyo uyanda kutondezya cipekupeku, kutondezya buyo eco Mwami ncali mukucita akati ka bantu abo, mikowa yamu Africa omuya. I Mwami nawayanda, mu Mukazimaziba, Ndi yanda kuyo musangana okuya kwa i...alimwi akati ka mikowa eyo, kuyooba a muswaangano Nke tana unka kumusanza mu Rhodesia a South Africa alubo.

⁶ Elyo, mpawo, oko nkuboola kwa masiku Munsono, aboobo amuyeeye, lino. Elyo amu mupailile canguzu Mukwesu Joseph, wali mukwesu muniini mubotu. Nda mulumba maningi, luswaanano lwakwe a zimwi zimbi.

⁷ Mpawo, eyi mvwiki iboola, twa unka mpawo ku...kutala mu Southern Pines, elyo mpawo kumusanza mu Columbia, South Carolina; elyo mpawo kuzwa awo kuya ku Cow Palace, West Coast, mpawo kuyabuya kutala mu Grass Valley; a okuya ku Mebeebe Anyika yonse, a kujokela ku Oregon alubo; mpawo kutala mu British Columbia, abamwi bambi, kuyabuya a kuyabuya kusikila kumamanino aciindi eci cabutololo. Mpawo tula syoma, ciindi eci cabutololo, Mwami nawayanda, kuyooba a miswaangano imbi okuno, ikuti na Mwami wabamba.

⁸ Mpawo Nda kayeeya, Nke tana kuzwa, inga caba cintu cibotu kubaanga nku buzya mibuzyo misyoonto. Nywebo mulizi, ula cijana eco cili mu myoyo ya bantu cindi mwabuzya mibuzyo. Elyo aboobo mpawo Nda yeeya, nywebo mulizi, sunumasiku, kubaanga nkuba buyo a mubandi muniini waku moyo a moyo a i—i katanga kaniini, ka bantu awa, buyo—buyo kwaambaula kuli ndinywe kuzwa—kuzwa ku myoyo yesu. Ziindizimwi Ndi yeeya kuti eco cilagwasya kwiinda kukambauka nkambauko, kubaanga kumvwisya umwi aumwi kabotu loko.

⁹ Tuli lumbide kuli Leza nkambo ka ceeco nco twa ka Mu bona kacita mvwiki eyi mu bwiinguzi ku mupailo, cali cibotu loko. Elyo aboobo tuli lumbide, lumbide loko ncobeni.

¹⁰ Elyo tula bona ciindi a ciindi camamanino ka ciswena, kuziba kuti cintucimwi cilibambila kucitika. Elyo kwiina umwi pele uuzi kuti obo mbwini, ikuti na—ikuti na ngu sikuyeeya. Tu lizi, tu langa kuli ceeco kwiinda mu makkalo, umwi aumwi waka cilangilila. Pele, nywebo mulizi, kuli kunji maningi kucitika lino. Tu—tu lizi kuti cili luleme...konzyi kusakana. Elyo lino ndiza inga Nda kanana ali ceeco mu ziindi zisyoonto.

¹¹ Pele atu lino, ku kutalika, kukotamika buyo mitwe yesu ku ijwi lya mupailo. Elyo kuciindi mitwe yesu niikoteme, Nda libuzya ikuti na kuli cintucimwi mu myoyo yesu, nco tu yanda kwibalukwa mu mupailo kumbele lya Leza. Ikuti na inga caba, tambika buyo janza lyako. Uyo mvwisya, Uli zyi koonse kujatikizya ncico. Nkumbizyo imwi buyo njo yanda kwaamba kuti, "Leza, kondi yeeya." I Mwami alongezye umwi aumwi wanu.

¹² Taata wesu Wakujulu, mbuli mbo tuboola sunumasiku kuswena ku Cuuno eco cabwami ca luzyalo, oko Nko katutamba caluzyalo maningi kuboola acamba kumbele lya Cuuno cabwami ica Leza a luzyalo Lwakwe, kulomba cikombyo cili conse nco tunga twa bula. Wa ka twaambila ikuti na twaba mbuli bobilo na botatwe banga babungana antomwe a kubungana mu Zina Lyako, kuti Uyo oba akati kesu. Elyo mpawo kufumbwa cintu

nco twa kayanda, ikuti na twa cilomba, tweelede kucitambula ikuti na twa syoma buyo kuti inga twa citambula.

¹³ Yebo ulizi ziimo zya buzuba a ziimo zya mbungano a zya bantu, a nkumbizyo zyesu kumbele Lyako. Lino, Wa bona maanza, Mwami. Yebo ulizi myoyo ya bantu, a kuyandisa kwabo a kubula kwabo. Elyo tula bona ciindi ka ciswena, cila bungilila kabotu mukati lino, makumbi mapati a kukkalilila ansi. Zintu ezyo basinsimi nzyo bakaamba myaka minji ya myaanda yakainda, nzo tubona zitana citika kusikila ciindi eci, elyo mpaawa tula zibona moonya mu mazuba esu.

¹⁴ Lino twa komba, Taata, kuti Uyo tupa zilongezyo ezi nzo twa lomba. Ponya balwazi a bapengede. Ko boozeyza ku mbungano Yako, Mwami, nguzu zipona zya Muuya Uusalala, lusyomo lupona kuti eco neco nco tu lomba tula cisyoma. Tula syoma kuti tula citambula nkaambo tuli masimpe kuti nduyando lwa Leza ku lupa kuli ndiswe katutana ku lomba. Ta tulombi cakwiimpya, tu lombela Bwami bwa Leza, aboobo twa lomba kuti Uyo cipa kuli ndiswe.

¹⁵ Longezya kubungana kwesu antoomwe, mweembeli wesu, babelesi ba mbungano, mutnu oonse, zizo zya Mubili wa Kristo oyo uuliko. Abo batali mamembala aa Mubili wa Kristo, ba yandaula ciyusilo sunu abusena bumwi, kuula ziyusilo zya mabbomba kusule lya lubuwa, Leza, akube kuti baboole kensi lya kuyusa kwa kukwabililwa kwa Mwami Jesu, mukuziba kuti cindi buumi obu bwaamana kuli Buumi kwiindilila boobu. Ndaku Lumba ku cisymezyo.

¹⁶ Kotupa bwiinguzi bwa mibuzyo eyi sunumasiku, kutegwa tu kkutye myoyo yoonse ku Ijwi Lyako. Nkambo twa cilomba mu Zina lya Jesu. Ameni.

¹⁷ Kuswena ku kuboola kwa Mwami, ino nkaanzambwene kapati mbo kabede!

¹⁸ Nda kali kukanana kaindi kakainda, umwi waamba cintucimwi kujatikizya *inshualensi*, Nda kali antoomwe a Bantu Basimakwebo kutali ciindi cilamfu cainda muli umwi wa miswaangano yabo mipati, muswaangano mupati wa masi oonse. Nda kajanika buyo kuli umwi, wa cooko. Ndila bakambaukila Bantu Basimakwebo ba Makanimabotu Aazwide, nyika yoonse. Elyo mpawo oyu—oyu muswaangano mupati mukuba ku West Coast, a basimpupo bonse kaba kkede alya kuzwa ku nyika yoonse, a . . . samide loko a balemekwa. Umwi wabo wa kati kuli ndime, “Nda kamvwa mutnu umwi kakwiita kuti ‘Mufundisi.’”

Nda kati, “Iiyi, munene.”

Kati, “Uli mukambausi na?”

Nda kati, “Iiyi, munene.”

Wa kati, “Ino ucita nzi abaaba basimakwebo?”

Nda kati, “Ndi—Ndili simakwebo.”

“Oh?” Kati, “Ino musyobo nzi wa makwebo mobede?”

Nda kati, “Kaanzambwene.”

¹⁹ Ta kandimvwisywa kabotu, wa kayeeya kuti Nda kali kupandulula inshualensi. Aboobo wa kati kuli ndime, wa kati, “Ino uli a kkampani nzi?”

Nda kati, “I Kkampani Yakujulu.”

Wa kati, “Nse syomi kuti Ndi liizi imwi eyo.”

Nda kati—kati, “Ino—ino musyobo nzi wa inshualensi ngo basambala?”

²⁰ “Nse na . . .” Nda kati, “Nse waamba *inshualensi*, Nda kaamba *kaanzambwene*.”

Kati, “Ino upandulula nzi?”

Nda kati:

Kalelekwe kaanzambwene, Jesu ngu wangu!

Oh, ino nkulabila kwa bulemu Bwabuleza!

Sikukona wa lufutuko, wakaulwa aa Leza,

Wakazyalwa ku Muuya Wakwe, wakasanzigwa
mu Bulowa Bwakwe.

²¹ Aboobo, busiku obo cindi ni Nda kazibisigwa ku kapepele ka televizhioni, Nda ka caamba. Elyo Nda kati, “Lino, Ndi—Ndi jisi bubambe ikuti na nywebo nobantu bamwi okuno na ku masena aa cisi, abo bajisi kuyandisywa mu bubambe, Ndi yanda ku bubandika kumanizya a nduwe ncobeni kwamana buyo kuswaangana. Kaanzambwene, kaanzambwene kalelekedwe!”

²² Lino, Nda kayeeya, mu kubuzya mibuzyo eyi, kuti inga candipa kuswena aniini ku muzeezo wako—wako. Ndi jisi yobilo. Eelyo Mbwe njilila ku mulyango Billy waamba kuti kuli liimbi, pele, mubwini, Nse jana ciindi ca kwiilangalanga. Elyo Ndi yanda kuba masimpe kuti Ndili wa Malembe ncobeni ka Ndi tana wiingula, nkaambo wakali . . . yanda kuba munzila eyo, na Nke tana ku wiingula. Aboobo ndiza Nda konzya kusisa eyo kuyooba ya ciindi cimbi. Lino, umwi wa i . . . Elyo mu kwiingula mibuzyo eyi lino, amuyeeye, Ndi cita buyo kabotu mbuli Mbwe konzya.

²³ Ta ndiinguli mibuzyo mu miswaangano. Nda kaisola ciindi cimwi elyo ndaka njila mu penzi. Tii baka ndimvwisywa kabotu. Wa kali kujatikizya Ba. Allen, na kujatikizya citondezyo ca bulowa a mafuta a zimwi zimbi, mu maanza a busyu, mukuba citondezyo ca Muuya Uusalala. Nda kati, “Ee, Ta ndizi kujatikizya ceeco,” Nda kati, “Nsena bwene cintu cili coonse ca ncico mu Lugwalo.” Nda kati, “Pele Nda—Nda syoma kuti inga Nda . . . konzya kukambauka mbuli mukwesu oyu, Inga nse yaamina a kunyanyamukwa. Ndi kambauka buyo Makanimabotu,” a kuzumanana.

²⁴ Elyo aboobo baka tambula lugwalo, kumasi manji, "Oyandwa Mukwesu Branham..." aboobo lwakainka koonse. Elyo teeba ka cimvwisya buyo. Elyo twa kabatumina mateepu a kubalekela kwaalizya alimwi a kubona na Nda... Kati Nda "kasampaula mwaalumi." Nse—Nse kacita. Nse kasampaula mukwesu naba umwi. Ziindizimwi Nda konzya kutazuminana a mbabo, pele oko kuli aa mbaakani ya bulongwe.

²⁵ Elyo mpawo okuno kutali ciindi cilamfu cakainda mwaalumi wakalemba bbuku lya muntu oyu, kujatikizya, *Kuluma kwa Madaimona*. Mpawo Nda kayeeya kuti inga ciyooba ciindi ndiza caku bbadela na ku muzibya. Elyo muntu wakalemba bbuku wa kakazya onse muvangeli wakali mu ncito cita ndime, elyo wa kali kkedede moonya mu muswaangano wangu, aboobo Nda kati, "Nse lumbi...kukazigwa, pele..." Nda kati... I mukwesu, mukasimpe, wa kacilumbaizya mu *Christian Digest*, wa kati Nda kali umwi oyo wata kabwezelu mulumbo a kulombelela bantu kupa mali, azimwi zimbi mbuli ceeco, nkabela wa kacilumba. Elyo muntu kakkede alya. Pele ciindi ne Nda kalizi kuti mwaalumi wa kaamba cintu cimwi kujatikizya Mukwesu Allen eco cata kali kabotu.

Wa kati, "A. A. Allen wakalemba bbuku eli lya *Kulumwa kwa Madaimona*."

²⁶ Lino, A. A. Allen taakwe nakalemba bbuku eelyo. Nda kalimuzi mulembi wa bbuku eelyo. Elyo Nda kati, "Lino, ikuti na muntu wakalemba taka sinizizye kwini kuunka a kulingula kubona oyo waka lilemba katana mukazya Mukwesu Allen, Nda kabaanga ndasyoma kumwi kukazigwa kwakwe ta kweeleli bakwesu." Mwabona? Elyo muntu kakkede mpoonya alya kandi zundikizya. Pele kwakali kumuzibya buyo kuti kaambo kakwe teeka kaluzi, nywebo mwabona, kuti Mukwesu Allen taakwe nakalemba bbuku eelyo, bulembo bwa *Kulumwa kwa Madaimona*.

²⁷ Lino, mu kuvviila mibuzyo eyi, ili ku babotu kwa luzibo lwangu. Elyo ikuti... Ndila sola kuingula kwiinda ku Magwalo.

²⁸ Lino, umwi mutaanzi janwa, Nda syoma, mu Bakorinto Bataanzi, cipati 7 a kampango ka 15. Aboobo lino tuyu sola kuunka ku Lugwalo olo a kubona obo mbo luboneka, a kubona ikuti na tula konzya kugwasya muntu oyu muyandisi uubuzya mubuzyo. Lino. Bakorinto Bataanzi, cipati 7, kampango ka 15. Elyo Ndi yeeyela kuti muntu nkiali lino. Lino njeeyi nzila mbo Lyu amba:

Pele ikuti na uutakwetwe uyanda kulekena, alekwe alekane. Ii mukwesu na mucizi tali kunsi lya bwaange mu kaambo kali boobo: pele Leza waka twiita ku luumuno.

169. Lino. Bakorinto Bataanzi, cipati 7, kampango ka 15.
Lino mubuzyo ngo bakabuzya: **Mukwesu Branham, sa**

**eci caamba kuti mucizi na mukwesu ulaangulukide
kukwatulula alubo? Peepe.**

²⁹ Mwabona, to jani mubuzyo wakwe okuya a ceeco ncaamba. Ta baangulukide. Mwabona, eco inga cabamba kukazyanya mu Lugwalo, alimwi Magwalo taa likazyi nokuceya. Mwabona? Lino, atu . . . Nywebo mwabona, mbuli mbo mukonzya kubamba Lugwalo (kwiinda buyo ku kubala kampango komwe) kwaamba kufumbwa cintu ncolu yanda kwaamba, ku kweelela mizeeza yako. Pele weelede kubweza muyeeyo oyo ngo bali mu kwaambaula.

³⁰ Mbuli ikuti—ikuti na Ndali kwaambaula ku Mukwesu Neville elyo wa—elyo wa ndimvwa kwaamba bbala, “bboodi.”

³¹ Elyo mpawo inga waunka, inga wati, “Yebo ulizi eco ncaambaula na? Twa mucima sunumasiku.” Mwabona? “Peepe,” mulombwana umwi inga wati, “eco cili lubide, cakali kwaamba kuti wa—wa kajisi nkongole ya bboodi, wa kali kuyo ibbadela.” Umwi umbi wati, “Oh, peepe, taali kwaamba ceeco, wa kali kupandulula bboodi ku lubazu lwa ng’anda.” Elyo mulombwana umwi wati, “Peepe, Nda kwaambilila cintu, Nda syoma wali kusola kwaambaula kujatikizya kubbola mugodi.” Mwabona? Mwabona?

³² We elede kuziba mubandi, mpawo ulizi eco nco ambaula, nkaambo Paulo awa ciindicimwi wiingula kujokela mubuzyo wabo.

³³ Ziindizimwi ba lati, “I Bbaibbele lila likazya Lini.” Ndi yanda ku cijana. Tali citi. Ndili—Ndili amyaka ili makumi otatwe ayobilo kunze lya cikambaukilo, Nsenya bwene kukazyanya. Mwabona? Tali likazyi Lini! Lili loko . . . Nduwe uli muku Li kazy, wabona, a kuta Li mvwisya. I Muuya Uusalala ngu Sikuyubununa, Siciyubunuzyo wa Ijwi. Nkikaako, kukazyanya . . .

³⁴ Mwabona, Paulo kalembela bantu, kaamba kuti, “Mwa kabuzya cintu cili *boobu-a-boobu*.” Buyo, tali mu kwaamba buyo kuti mwa cilomba, uli mu *kwaamba* buyo eco. Mpaawa wa nyona akubavwiila, oko kwiimpene kuli ncoba kabuzya.

³⁵ Ba kabuzya, “Tu cita *boobo*, a *boobo*, a *boobo*.” Elyo Paulo wanyona a kwaamba cintucimwi cimbi, mwabona, boneka mbuli kuti nkukazya. Takuli obo. Ikuti na mwabala buyo kampango koonse, cipati coonse, inga mwajana kuti uli—uli mukusola kupandulula eco nco baka mu lembela.

³⁶ Lino, mpoonya awa abo bayanda kupa . . . Alimwi eyo nje nzila njo mujana kukazyanya mu Bbaibbele, pele takuli boobo. Lino, kuboneka mbuli, awa, kuti muntu uyanda kuziba, na mubuzyo eco ncoba yanda kuziba:

Sa mukwesu na mucizi mu Mwami, inga wakwata na kukwatulula eelyo kaangulukide, ikuti na basiya balongwenyina kuya ku kukwatulula? Peepe.

- ³⁷ Lino atu bweze...kutalikila kampango ka 10:

...ku bakwatane Nda lailila, nekubaboobo kutali Ndime, pele Mwami, (Mwabona?), Kuta lekelwi mukaintu kuleka mulumi wakwe: (Mwabona?)

Pele...ikuti na wazwa, alekwe akkale katakwetwe, na kuyanzanisigwa ku mulumi wakwe: a mulumi ataleki mukaintu wakwe. (Eyo nje Milao ya Mwami, mwabona.)

Pele kuli bamwi baamba Nda amba, kutali Mwami: (Mwabona?) Ikuti na umwi mukwesu ujisi mukaintu oyo utasyomi, ...

- ³⁸ Lino, amulangilila ciiyo cakwe, mwabona. Elyo amubale kuyaansi kamutana sika awa, kumanizya chapita, mula jana kuti bakali kuyeyea kuti, "Ikuti na twa kakwata mukaintu nkabela waa kali...tu...Nda kakwata elyo Nda kaba musyomi, elyo mukaintu wangu takali musyomi, andi muleke." Oh, peepe. Eco tacili ncico. To konzya kucita ceeco, Wabona? Wabona:

...Ikuti na umwi mukwesu uli jisi mukaintu oyo utasyomi, nkabela mukazi ula botelwa kukkala a nguwe, ata muleki pe. (Nkokuti, kutali kaambo ka lukwatano, nku kaambo ka kutasyoma. Kutali "kukwatulula" alubo. Mwabona, Kkala a nguwe!)

Elyo ikuti na mwanakazi ujisi i mulumi oyo utasyomi, elyo ikuti na mwaalumi ula botelwa kukkala a nguwe, ata muleki pe. (Mbo mbubo! Mwabona?)

Nkambo mulumi utasyomi ula salazigwa ku mukaintu, alimwi mukaintu utasyomi ula salazigwa ku mulumi: nape nkokuti bana banu batasalali; pele lino bala salala.

Pele ikuti na utasyomi walekana, alekwe alekane.

- ³⁹ Lino, ikuti utasyomi waamba kuti, "Nse kaponi limbi a nduwe pe, wakaba Munakristo." Ku...Ii mwaalumi waambila mukaintu wakwe, "Nkaambo waka futulwa, alimwi uyozwa mu inyika mo twa kabede ciindi cimwi, Ndiyo kuleka." Lino, taakwe cintu nco konzya kucita kujatikizya ncico, komuleka alekane. Mwabona?

- ⁴⁰ Na mwanakazi wati ku mulumi wakwe, "Nse kasangani a nkamu eyo ya babumbulusi basalala. Nse ka ciciti eci! Ndiyo lyandaanya a ku kukuleka." Uta siyi mbungano, ko muleka ainke. Wabona?

- ⁴¹ Ii mukwesu na mucizi tali kunsi lya bwaange mu kaambo kali boobo, nko kuti, ikuti na mulongwe wako wakuleka nkabela uyanda kuzwa nkambo ka Ndilyo. Ta mweelede kuba jatilila ncobeni. Ikuti na bayanda kulekana nkabela bayo muleka

ku kaambo ka Kristo, abalekwe balekane. Pele tamu konzyi kukwatulula! “Pele Leza waka twiita ku luumuno.” Mwabona? Lino, kutali kuti inga mwa kwatulula alubo, wa kaamba kale obo, pele toelede kupona a mulumi utasyomi na mukaintu utasyomi ikuti na tabayandi.

⁴² Icuti na bali libambilide, kwaamba “Lino, ko zumanana kuya ku cikombelo. Elyo ikuti na uyanda kuselemukila okuya, oyo mulimo wako. Yebo uyanda kuunka ku mbungano yako, ko zumanana. Kuli ndime, Nse Ci syomi. Elyo Ndiyo—Ndiyo kucitila cintu cili coonse, Nse kaimi mu nzila yako, webo ko zumanana,” mpawo wacaala buyo awo, mukutaziba kuti buumi bwako bwakasalazyza bwa kasalazyza musyomi oyo, kubacitya kusyoma. Mwabona? Kufumbwa lubazu, mwaalumi na mwanakazi, mwabona. Yebo . . .

⁴³ Pele lino kwaamba buyo kuti, “Ndi . . . Mukwesu Branham, Nda kakwata a mukaintu wangu tasyomi, elyo ngooyu mucizi awa Ngwe konzya kukwata. Ndiyo muleka oyu umwi a kukwata oyo umwi.” Oh, peepe! Peepe, nconzyo! Cikonke cako nkusikila ku lufu mukandaane, nkabela kwiina cintu cimbi mu inyika ciyo kuzumizya kukwata (mu Bbaibbele) kusikila mulongwe wako wafwa. Mbo mbubo. Twaambo tulikke biyo! Takukwe kukwatulula kuli koonse, cita kuti mulongwe kafwide. Kwa mana. Mwabona?

⁴⁴ To konzyi ku Li bamba kulikazya Lini. Aboobo amubale buyo tumpango kusule alimwi akumbele, elyo uyo jata mpawo eco ncali mukwaambaula. Lino, eci cilaamba awa, kutali . . . Mwabona:

**Sa eci caamba kuti mucizi na mukwesu ulaangulukide
kukwatulula?**

⁴⁵ Peepe, munene. Mwabona, wa kapandulula ceeco lutaanzi. Mwabona:

. . . kuli bakwatene Nda lailila, nekubaboobo kutali
Ndime, pele Mwami, Kuta lekelwi mukaintu kuleka
mulumi wakwe:

Pele alimwi na waa lekana, alekwe akkale kata
kwetwe, na kuyanzanisigwe ku mulumi wakwe: . . .
(Mwabona?)

⁴⁶ Kwiina zintu zili boobo mbuli musyomi uli oonse kusola kuyanzanisigwa ku kukwatulula, ujisi mulongwe uupona.

Lino, ngooyu umwi umbi. I wabili uli mbuli boobu:

**170. Ino musyobo nzi wa mibili babi ngobaya kuba awo
mu bubuke bwamamanino ku Lubeta Lupati Iwa Cuuno
Cituba cabwami?**

⁴⁷ Oyo sizibi uyo buka mu bubuke kuyo betekwa mu mibili omo mwa kacitila zibi mo. Mwabona? Uyo elela kwiima ku Lubeta mu bubuke.

⁴⁸ *Bubuke* takuli kucincanya, nku “busya eco cakainka ansi.” Cindi Jesu nakabuka kuzwa ku bafu, Wa kali mibili nguonya waka inkide aansi, Wa kabuka mu musyobo oyo nguwenya wa mibili. Tuya kubuka mu mibili nguonya ngo motwa kaunkila awa ansi; bwalo mbubuke, kuta kucincanya.

⁴⁹ Lino, Bbaibbele lyaamba kuti i...kuti tuyu betekwa kweendelana ku zibi zya kacitwa mu mibili. Elyo, cindi mubi aakubuka, uyo betekwa mu mibili nguonya oyo ngwa kabisya mo, cintu nciconya.

171. “Adamu wakaziba mukaintu wakwe Eva; alimwi” (kuswaanganya) “waa kamita, a kuzyala Kaini.” Nda syoma koonse nko yiisya, pele jisi...sa inga Nda... Mbobuti Mbwe konzya kwiingula muntu umwi oyo—oyo waamba kuti taka mita Adamu naka mana kumuziba, nkaambo ka kuswanganya “alimwi.” “Adamu wakaziba mukaintu wakwe; alimwi waa kamita, a kuzyala Kaini.”

⁵⁰ Lino, swebo to bapati tu lizi kwakuti “wakaziba” nco caamba. Lino, mubuzyo ujatikizya kuswaanganya. Lino, ikuti na mwalangisya, beenzuma, mwabona, tamu—tamu konzyi buyo kubamba Bbaibbele kwaamba cintu comwe busena bomwe a cintucimwi cimbi. Lyeede kwaamba cintu nciconya ciindi coonse. Elyo ikuti na wa Li bamba kwaamba cintu comwe awa a cintucimwi cimbi awa, mpawo bupanduluzi bwako buli lubide. Wabona? To konzyi kucicita. To konzyi kuleta Eva kweenwa ku nzoka elyo mpawo kumujana kubusena bumwi bumbi keenwa alubo. Wabona? Elyo ciindi citaanzi na keenwa ndeelyo na kamita. To konzyi kumubamba kweenwa ziindi zyobilo.

⁵¹ Andi lekele buyo mutondezye kuswaanganya kwanu. Mu kubala Bbaibbele mweelede kuziba oko kuswaanganya kwanu nko kuunka. *Kuswaanganya* nku jatanya muzila wako antoomwe. Mwabona? Lino amulangilile eci. Lino, mu Matalikilo 1:26, amulangilile oku kuswaanganya, elyo mpawo mula cipandulula eci elyo mpawo Njo mwaambila obo mbwa... cindi Adamu naka ziba mukaintu wakwe. Matalikilo, cipati 1, a kutalikila kampango ka 26. Lino, amuswiilile kabotu. Leza wa bamba bulenge Bwakwe lino, alimwi Leza wakalekela nyika kuleta zintu ziyavula a zintu zyoonse ezyo nyika nzoya kaleta. Lino, mu cipati 26...kampango ka 26 ka cipati 1 ica Matalikilo:

Alimwi Leza wakati, Atu pange muntu mu cinkozya cesu cini, mbuli bukozyanye bwesu—bwesu:... aba lekwe (muntu)...(kutali nguwe; “balo,” mwabona, banji) kuba a bweendelezi ku nswi zya lwizi, a ku bayuni bamu luwo, a ku ng’ombe, a ku... (Mwabona i “alimwi, alimwi,” kujatanya antoomwe?)...kweendlezya i nyika, alimwi ku zintu zyoonse ziyavula ezyo ziyavula ansi.

Aboobo Leza wakalenga muntu mu cinkozya cakwe mwini, mu cinkozya ca Leza wa kamulenga; mweenze a muzyazi waka balenga (bobilo mwaalumi a mwanakazi).

Elyo Leza waka balongezya kumane bulenge Bwakwe, mpawo, alimwi...waka baambila kuti, Amu kazyle, alimwi (alimwi) akuvuzizya, a kuzuzya nyika, a kwiiendelezya:...

⁵² Kuswaanganya kwamana kuswaanganya kwa ceeco... Muntu ulelede kuno vuzizya. *Alimwi*, kumane kuvuzizya, mpawo kweendelezya nyika; kusakanina mu Mileniamu. Mwabona? Ncibotu, “Koendelezya nyika.” Ncibotu:

... a kuba a bweendelezi ku nswi zya lwizi, a... bayuni bamu luwo, akwendelezya zintu zipona zyonse zyeenda atala lya nyika.

⁵³ Lino, Leza wakalenga muntu mu cinkozya Cakwe Mwini, wakalenga, ku baleka (i muntu) a kweendelezye zyoonse zyakali a nyika, ku yeendelezya a zintuzyonse, a ku balekela kucita ceeci a kuba a bweendelezi ku nswi zya i... a zintuzyonse ezyo Nzya kacita. Elyo mpawo tu jana kuti, mu Matalikilo 2:7... Amuswiilile kuli ceeci. Kwalo Leza nakamana kubamba nyika, wa kalenga muntu, waka manizya kumupa bweendelezi atala a nyika, kacita kumupa zintuzyonse nzya jisi, nkabela Leza waka balenga, ka baambila kuba kuvuzi...ku kuvuzizya a kuzuzya nyika, a zintu ezi zyoonse, alimwi kumane tumpango tumbi tuli ciloba twa zintu Nzya kamanizya, a majulu a nyika a zintuzyonse, “*Alimwi Mwami Leza wakapanga muntu kuzwa ku bulongo bwanyika.*” “*Alimwi!*” Ngooyu Mpali (“alimwi” *kuswaanganya*) kubamba muntu oyo Ngwa kalenga kale. Mwabona? Kubamba muntu:

Alimwi... (kujatanya muzila Wakwe antoomwe)... Leza wakabumba muntu kuzwa ku bulongo, alimwi wakayoya (i kuyoya) mu mpemo zyakwe kuyoya kwa buumi; nkabela muntu wakaba buntu bupona.

⁵⁴ Lino, amu ciyeeye eco! Eelyo Na kamana kupanga muntu (banakazi a baalumi) mu Matalikilo 1:26 kusikaku 28, Wa kapanga muntu mu cinkozya Cakwe Mwini, waka mulenga a kumupa... wa keendelezya mami a kumupa inguzu ezi zyoonse a zintuzyonse, elyo nekubabobo Ta kalina lenga muntu.

⁵⁵ Mwabona, Saatani waka mweenede kale. Mubwini, Adamu waka muziba, pele waka keenedwe kale. Nkaambo nkoonya kusule awa wa... cindi niba... kabatana kusika... Cindi niba kasika mu lubeta, Wa kat... elyo Leza waka baleta antoomwe a kwaamba kuti, “*Nguni wakacita ceeci?*” Kaba buzya mubuzyo.

Adamu wakati, “I mwanakazi Ngo kandipa.”

Elyo mwanakazi wakati, “I muzoka waka ndeena.”

⁵⁶ Elyo Leza wakabikka lutuko aali mbabo, a zintuzyonse mbuli ezyo. Elyo *mpawo* Adamu wakaziba mukaintu wakwe, mwabona, nakamana kweenwa kale a kuba mutumbu. Mbubonya buyo Leza mbwa kabamba muntu kaindi awa mu Matalikilo 1:26 elyo nekubaboobo ta kalina bumbwa pe. Mwabona? Yaa.

⁵⁷ Lino amulangilile, atu selemukile awa a kubala, akwalo:

Alimwi Adamu wakaita mukaintu wakwe...Eva; nkaambo waa kali banyina wa zintu zyoonse zipona, zyoonse...na banyina wa zipona zyoonse. Wakaita mukaintu wakwe...wakaita mukaintu wakwe kuti waa kali...na mwanakazi nkaambo waa kali...wa zintu zyoonse zipona.

Alimwi kuli Adamu akwalo a ku mukaintu wakwe wakacita MWAMI...kupanga zibaki zya cikutu zya kuba vumbya.

⁵⁸ Lino, lino amubone mu Matalikilo alubo, 1:21, Leza wa kalenga banyama batapi bamu lwizi. Wa kacita zintuzyonse, a kulenga bulenge, kapanga muntu mu cinkozya Cakwe Mwini. Kapanga muntu, kutali “i” muntu, muntu oonse, boonse babo mu cinkozya Cakwe Mwini. Mwabona? Alimwi mbuli cinkozya ca Leza Wa mulenga balo; mweenze a muzyazi, waka mulenga kobilo mbuli boobo.

⁵⁹ Elyo lino tu jana kuti, abusena awa alubo, Na kamana kupanga muntu mu cinkozya Cakwe Mwini, kwalo Na kamana ku mulenga awa mweenze a muzyazi, awa Wa kapanga muntu kuzwa ku bulongo bwa nyika.

⁶⁰ Elyo *mpawo*, Na kamana kucita ceeco, Na kamana ku mubamba mweenze a muzyazi, *mpawo Ula jokela awa a kumubambilia mwanakazi*, Na kamana kale kumubamba. Mwabona?

⁶¹ Mwabona, kuswaanganya kwanu kula jatanya muzila oyo antoomwe. Mbubonya buyo mbo kwa kaamba, lino, *awa*, “Leza wakalenga muntu mu cinkozya Cakwe Mwini, mbuli bukozanye Bwakwe Wa kamulenga,” ngu Leza kakanana mu miyeeyo Yakwe, mu mizeezo Yakwe, eco Nca kajisi. *Mpaawa Mpa* kacitila ncito ncobeni.

⁶² Jesu wakali Kabelele waka jaigwa kuzwa ku malengelo aa inyika; Ta kajaigwa kwa myaka ili zyuulu zyone yakainda. Mwabona?

⁶³ Aboobo muzoka wakeena Eva. Obo mbwini. Mpawo lubeta nilwaka bikkwa, mpawo Adamu wakaziba a mukaintu wakwe. Elyo *mpawo* waa kamita a kuzyala mwana, Kaini. Sa mwa cimvwa? Mwabona, kuswaanganya kuli muku zumanana buyo eco Adamu nca kacita, kutali eco cakacitwa kumbele lya Adamu.

⁶⁴ Elyo amulange awa, ikuti na muyanda kucita ceeco, mu kaambo ako kapati awa, Nda syoma tula cijana awa mu i...elyo awa mu cipati ca 4, Nda syoma mbo cibede.

Alimwi Adamu wakaziba...mukaintu wakwe; alimwi waa kamita, alimwi wakazyala Kaini, alimwi (ii kuswaangaya) kati, Nda jana muntu kuzwa ku Mwami.

⁶⁵ Mpawo mubwini takali Adamu, wakali mwana wa Leza kwiinda kuli nkuko. Mwabona? Mwabona? Ikuti na uyanda kubikka kuswaanya kwako awo, wabona ("alimwi" alubo), "Nda jana muntu kuzwa kuli Leza." Mpawo kaamba kuti Leza wakamupa eco cintu casalulula citegwa Kaini. Nkokuli kasensa aka kabubi a busofwi a zintu ezyo Kaini nzya kajisi, kuzwa kuli Leza? Tee kwakonzya kuba! Mwabona? Waa keenwa ku muzoka, a muzoka...waa kali mutumbu kale. Mpawo Adamu waka muziba, masimpe wa kacita, wa kaunka a kupona anguwe mbuli mukaintu, pele waa keelede kale kuba mutumbu wa mwana oyu.

⁶⁶ Elyo mpawo cindi mwana wa Adamu kumalekelo nakazyalwa, wa kali muntu, mubombe mubotu, sibuuya mbuli Adamu.

⁶⁷ Pele oyu mulombwana, nkokuli oko kubeja oko kunjoloma, nkokuli cibi eco nko caka zwida? Nkokuli mulombwana oyu, Kaini, mujayi oyo? Elyo Bbaibbele lya kaamba kuti "I dyabulosi mujayi." Nkokuli bubeji obo nko bwakazwida? (I dyabulosi ngu wisi wa bubeji; walo mubeji alimwi wisi wa bubeji.) Ca keelede kuzwa ku kasensa kamwi kunze lya Leza. Aboobo Kaini wakali umwi mubi, nkabela wisi wakali Saatani; nkabela wa kazyala umwi oyu mubi.

Elyo mpawo, mubwini, Adamu wakaziba mukaintu wakwe, masimpe.

⁶⁸ Elyo, inzya, ndiza ikuti na nowaamba boobu. Inga ndaamba, kulitola lwangu, ee, eno, Rabeka waka zyalwa, elyo kwiinde kaindi kaboola ambali...

⁶⁹ Nda kali kubala buzuba bumwi kaano ka Josefa, elyo Nda kabotelwa loko ku kaano ka Josefa. Nda kasika okuya mu kampetu kaniini a kufugama, kutala okuya mu Minneapolis, elyo Nda kati, "Mwami Leza, obo Mbwe Ku lumba ku muntu mbuli Josefa!" Elyo Nda kayeeya, "Ikuti na Nda Nda...Ndalombozya ni Nda kaulika Billy Paul, 'Joseph,' kumane muntu oyo mupati ulemekwa." Takukwe caando comwe caku mulwana amwi mu Bbaibbele, cikozyanyo cilondokede ca Kristo mu nzila yoonse. Kayeeya, "Obo Mbwe kali kuyanda..." Nda kati, "Oh, ikuti Ne kajisi mulombe, Ne kamuulika zina lya 'Joseph.'"

⁷⁰ Elyo mpoonya buyo Mumuni oyo wakasika kaweeda mu buyake a kwaamba, "Uyo oba a mwana a kwiita zina lyakwe kuti 'Joseph.'"

⁷¹ Nda kamuziba mukaintu wangu, masimpe, waa kazyala Sarah. Mpawo Nda kamuziba mukaintu wangu *alimwi* waa kazyala Joseph. Mwabona eco Nce pandulula? Mwabona, tii caka jisi cakucita ku citaanzi. Cisyomezyo ca Leza cakali “Joseph,” Sarah wakaboola akati ka oyo. Kutali kubikka Sarah mu musyobo oyo wa cimo cibbi, pele ku mutondezya buyo eco nce Ndi—eco nce Ndi pandulula. Mwabona, kuti... Sarah wakatumwa aa Leza, awalo. Elyo aboobo mpawo tu lizi obo.

⁷² Lino, pele, mwabona. Leza, cindi Na kapa lubeta ali Adamu a Eva, waa kacitide kale cibi Ka tninga konzya kupa lubeta. Elyo, amuswiilile, sena mwakasola kuziba kuti mwana mutaanzi wakasola kuzyalwa mu inyika “wakazyalwa mu cibi, kubambwa mu milandu, kaboola ku inyika kuzo beja”? I umwi nguonya mutaanzi wakasola kuzyalwa waka zyalwa munzila eyo, nkaambo...

⁷³ Yebo wati, “Ino kujatikizya Adamu a Eva?” Tiiba kazyalwa. Ba kalengwa. Mwabona?

⁷⁴ Pele mwana mutaanzi wakasola kusika waka zyalwa mu cibi, aboobo ceelede kuba munzila eyo. “Ii muntu uuzyedwe ku mwankazi ngwa mazuba masyoonto kazwide mapenzi.” Ula zyalwa mu cibi. Ako nkekaambo we elede kuzyalululwa, mwabona, kwiinda ku Muuya; kutali kwiinda ku *muyeyeo* wa kumuuya; ku Kuzyalwa kwa kumuuya, mwabona, oko kumubamba kuzyalululwa, kumu bamba kuba cilenge cipy. I muntu mutaanzi waka zyalwa waka zyalwa mu cibi.

⁷⁵ Mpawo, kwa keelede kuba Umwi wakasika kakutakwe nkewela. Lino, ikuti na nkewela tii yakali cintu citaanzi, mpawo nkaambonzi nco bakeelede kuba a Umwi mu nkewela kunununa mukowa wabantu oonse? Nkaambonzi Nca takaselusya buyo umwi mu tuzila akuti, “Ngooyu Umwi ululeme *uyeeya* kabotu”? Wa keelede kuboola kwiinda mu nkewela, kuboola kwiinda mu mwankazi, nkaambo oko nko cakasikila mu busena butaanzi. Kwiinda mu nkewela, kwakaleta kutilulama; a kwiinda mu nkewela, kwakaleta Bululami. Mwabona? Leza, kakutakwe mamambi, kakutakwe kuyanda kwankwela, kazyala Jesu Kristo kwiinda ku kumitwa kulondokede, kwiinda ku kuvunikila Mariya a kulenga muli nguwe Muwwanda oyu; oyo wakaboola kwiinda ku nkewela. Elyo, kwiinda muli ceeco, Bulowa Bwakwe Busalala bwakanununa mukowa oonse wakawa. Mwabona? Aboobo ceelede kuba, taakwe nzila imbi kuli ncico.

⁷⁶ Muntu aumwi uuzyedwe ku mwankazi ulaangidwe ku lufu, uli fwide cindi azyalwa. Mbo mbubo.

⁷⁷ Ako nkekaambo Nda kali kwaambaula buzuba bumwi obo mbo tujisi kaanzambwene ako kalelekedwe lino.

⁷⁸ Cindi Israyeli...Embo na...Ndi kanana zintu zinji loko ezyo zitakwe nco zyaamba kuli ncico, pele ziindizimwi Mwami ula ndipa cintucimwi alimwi cilandi botelezya nconzyo. Aboobo

cindi Na kandipa eco, cakandi botelezya loko kwinda cintu cili coonse Nce kasola kuba aco mu myaka. Cindi Na kandipa ceeco buzuba bumwi, cindi Ne kabona Israyeli eyo, muzike, taka jisi muunzi, bana ba Leza. Kuwaala cinkwa cakabumbwa mukati, kufumbwa nco bayanda! Oh, ikuti ni bakakonzya biyo kuba amuunzi oko nkobakali kukonzya kukkala mu luumuno, kujana zya kuponena kwako kwinda ku nkasaalo zyaku nkumo zyabo!

⁷⁹ Elyo, buzuba bumwi, kaselemuka kuzwa mu nkanda kwa kaboola musinsimi, kasololelwaa Musumpululu wa Mulilo, a ku baambila zya nyika ya cisomezyo. Taakwe muntu wakasola kuba okuya, tiiba kazyi cintu kujatikizya njiyo. Pele cakali cisomezyo. Aali eco ba kasyoma a kutobela musinsimi oyu kusikila noba kasika munsi lya nyika ya cisomezyo.

⁸⁰ Mpawo kuli bumboni butegwa *Joshua*, lyaamba “Jehova mufutuli,” kazabuka Jordano mu nyika eyo, a kubweeda a bumboni kuti eyo nyika yakali mbubonya buyo obo musinsimi mbwa kaamba mbo yakabede a Ijwi lya Leza. Ba kajisi cikama ca magirepu, katola baalumi bobilo kubweza, alimwi bakali kukonzya kulabila micelo mitaanzi izwa mu nyika. Taakwe muntu wakaziba kuti nyika yakaliko, baka isyoma buyo. Ba keenda ku lusyomo a kwiisyma.

⁸¹ Lino cindi niba kakona nyika yabo, obo mbo bakali kkomene! Umwi aumwi wakali kukonzya kupona mu luumuno, kuba a muunda wakwe muniini, kuba a bana bakwe a zintuzyonse. Pele, nekubaboo, kucembaana kwa kamujata, a lufu lwaka musyanikizya akumutola.

⁸² Mpawo kuselemuka kuzwa mu tuzila twaku Julu, kwinda mu mwanakazi, kwakasika Silumamba umbi mupati, mupati maningi wa boonse babo, Leza Mwini waka yubululwa mu mibili, Jesu Kristo. Elyo Wa kaambila Israyeli obo bantu bapati mboba kabede, pele lufu lwa kabalanganya, Wa kati, “Pele Ndi kwaambila nyika imbi. Mu Ng’anda ya Taata Wangu kuli makkalilo manji. Ikuti ni kwaatali boobo ni Nda kamwaambila. Muli kkomene mu cisi canu, muli jisi maanda anu, muli jisi bana banu. Pele mula zikkana okuya akuboeka kuba mamanino.”

⁸³ Jobu waka cibona, kati, “Ikuti na musamu wafwa, ula pona alubo. Pele muntu ulaona ansi a kufwa, uli kuli? Bana bakte bakasika kumulemeka nkabela ta kakuzibi. Oh, kuti Uyo ndisisa mu cuumbwe, kundibamba mu busena busisidwe mane bukali Bwako bukainde!” Wa kati, “Ikuti na muntu wafwa sa uyo pona alubo?”

⁸⁴ Myaka ili zyuulu zyone kakutanaba ceeco, ba kayandaula cintucimwi kwiindilila cuumbwe eco. Zintu zyoonse zipati Leza nzya kabapa, muunzi, mukwasyi a bana, a mbungano, a zintuzyonse, a basinsimi, a muntu mulemu kutala ku ciindi eci, pele nekubaboo umwi aumwi wakafwa a kuunka ku cuumbwe cakwe. Pele mpaawa kwaboola Umwi a kwaamba,

"Mu Ng'anda ya Taata Wangu kuli makkalilo manji, nkabela Njo unka kuyo mubambila busena." Mbuli Joshua, Wa kaswaana Kadeshi barnia Yakwe.

⁸⁵ Cindi Israyeli niya kasika ku Kadeshi bania... Elyo Kadeshi cakali cuuno ca lubeta ica inyika ku ciindi eco, tusensa tuliciloba kuzwa ku kasensa kapati loko, kwaamba lubeta, mbuli Ng'anda ya Leza a Mambungano ayo ainka kuzwa kuli Njiyo. Elyo Joshua, kuzwa ku Kadeshi bania, kazabukila mu nyika ya cisymezyo ku kujosya bumboni.

⁸⁶ Lino, Jesu waka swaana *Kadeshi* Yakwe. Ino cakali cinzi? Cuuno ca lubeta! Ino cakali cinzi? Ku Kalivari, oko Leza nkwa Mu beteka nkambo ka zibi zya inyika. Ncinzi ncoba kacita? Wa kaswaana lufu, kuliya nkoto ya Leza. Ku kuyanzanya basizibi kuli Leza, Wa kafwa lufu a kuzabuka mulonga wa Jordano (wa lufu). Baka Mu zikka.

⁸⁷ Wa kafwa kusikila mweezi a nyenyezi zyaka fwabweeme kuli lwazyo. Wa kafwa kusikila nyika yaka jisi kunyongana kwa nsinga zya kuyeeya. Kwa kazungaana mane myaala yaka kolomoka kuzwa ku malaundu. Kwa kazungaana mane nyenyezi nizya kamweka, mweezi tii wakali kumweka, nkabela zuba lya kabbila akati ka buzuba. Wa kafwa! Kafwide loko mane muna Roma waka bweza sumo lya mapaundi aali kkumi a kuli yasa kumaninina kwinda ku moyo Wakwe; maanzi a Bulowa. Wa kali fwide! Wa kazabuka Jordano. Elyo baka Mu bikka mu cuumbwe a kukunkulisyia ii—ii mwaala ku civumba, katola bantu bali mwaanda kucicita. Wa kali fwide! Ba kabikka cinematizyo caba Roma ali ncico.

⁸⁸ Pele aa cifumo ca Pasika Wa kajokela kuzwa kulanduka Jordano, a kuti, "Ndime Oyo waka fwide; a uponal alubo kwalyonse!"

Bamwi babo bakati, "Twa bona muuya."

⁸⁹ Kati, "Amu ndaampe. Sa muuya ujisi nyama a mafuwa mbuli Nge jisi?" Kati, "Mu jisi cintu cili coonse ca kulya na? Amu Ndi letela cintucimwi." Elyo baka Mu pa inswi a cinkwa. Elyo Wa zilya. Wa kali Muntu!

⁹⁰ Ino Wa kalinzi? Ku josya bumboni kuti kuli Nyika eyo nko tuyu. Ino Wa kacita nzi? Walo, mbuli Joshua, Wa kaleta citondezyo ca Njiyo. Wa kati, "Lino, ikuti na uyanda citondezyo ca Njiyo, 'Amusanduke, umwi aumwi wanu, a ku bbizigwa mu Zina lya Jesu Kristo ku kujatilwa zibi, nkabela muyo tambula Muuya Uusalala.' Eco nce citondezyo caka Ndi busya. Njo mupa Cizibyo ca lukono lwanu." Elyo mpawo ncinzi cakacitika? Aa Buzuba bwa Pentekoste Muuya Uusalala wakasika aa musyomi.

⁹¹ Lino ncinzi nco tucita? Kulyaambilila zibi zyesu, kuliyeeya tobeni kuti zili fwide, kuzikkwa a Nguwe mu lubbizyo, kubusigwa a Nguwe mu bubuke Bwakwe. Ku nzi? "Kukkala mu masena Aakuju a Nguwe." Awo mpo tubede sunumasiku,

katukkede (kutali cakunyama) kumuuya, mizeezo yesu, miyeeyo yesu, buntu bwesu buli kulaale kwiindilila mapakasyo aa inyika ndyoonya lino. Ino ndiswe bani? “Mu masena Aakujuju *muli Kristo Jesu.*” Mbobuti mbo tunjila muli Nguwo? “Ku Muuya omwe,” Bakorinto Bataanzi, cipati 12, “ku Muuya omwe toonse twa kabapatzigwa ku Muuya Uusalala mu Mubili omwe wa basyomi.”⁹² I Bwami bwa Leza bwabukombi bwakumuuya!

⁹² Omuya tula cebuka a kubona awo mpo twa kali beja a kubba a kweena a kufweba kucita zintu zilubide. Twa kabuka kuzwa kuli ceeco. Tuli mu masena Aakujuju. Ino ncinzi? I bumboni kuti buzuba bumwi tuyoooba a mubili mbuli mubili Wakwe Wini wabulemu. Bwalo mbumboni ncobeni bwa bubuke, nkaambo, mubumwi, twa kabusigwa kale a Nguwe, mubumwi twa kafwa kale.

⁹³ William Branham oyo wakali kupona taka ciponi limbi, wakafwa kwa myaka ili makumi otatwe iigambya, lino ncilenge cipyia. Orman Neville oyo wakali kupona taka cili kupona limbi, wa kafwa myaka minji kakutanaba eco, eci ncilenge cipyia. Orman Neville ulifwide, i—i simizundano ya mbizi, sinjuka, na kufumbwa mbwa kabede, muntu oyo wakapona lumwi uli fwide. Ta ndizi, Mukwesu Neville takali boobo; pele kufumbwa mbo cakabede, ujisi mulandu wa coonse ca ncico, “Kuzulwa kuli umwi nkuzulwa kuli yoonse.” Kufumbwa mbo kabede, nduwe sizibi, obo mbobede.

⁹⁴ Elyo uli fwide nkaambo ula ziyandisa zintu zya inyika. Elyo kufumbwa kuti kocisukamina inyika, takukwe makani kunji nkolyaambilila atala *awa*, toli atala awa, uli anselelo *alya* nekuba. “Oyo uyanda inyika na zintu zya inyika, luyandisyo lwa Leza taluna munjila.”

⁹⁵ Pele cindi wainka atala kuli ceeco ku zintu Zyakujulu mpawo kobikka kuyandisa kwako ku zintu zili kujulu, nkaambo mwa kabuka a Kristo elyo lino muli kkede antoomwe mu masena Aakujuju. Kuyaama buyo cakusinizya, taakwe cintu cikonzya ku kunyonganya, taakwe cintu. Alwalo lufu lwini talu jisi... konzyi kucita cintu kuli nduwe. Uli simpidwe kale muli Kristo. I kaanzambwene, Cizibyo, kubbadela kutalisyia kwaka citwa kale, waka Ku tambula. Ncinzi nco kacita? Kabuka a Nguwe mu bubuke.

⁹⁶ Langa kaindi oko Nkwe kabede ciindi cimwi. Lino Ndili aatala lya ceeco. Nkaambonzi? Ku luzyalo Lwakwe Wa kandi sumpula, elyo mpaawa Mpe kkede lino mu masena Aakujuju muli Kristo. Oh, ma! Mpawo we. Mpawo Bbaibbele lyaba Bbuku lipya. Mpawo uli muku Li bala kwiinda mu meso aa kumuuya a kumvwisywa kwa kumuuya. Mpawo ula bona manauni a mapronauni, elyo mpawo ula bona maswaanino... a kuswaanganya, Nda amba, azimwi zimbi, mu Bbaibbele.

⁹⁷ Oh, awo Mpo lyaamba...Ba lati, “Lila likazya Lini”; uli anselelo *awa* kubala. Konta atala *awa* aku Li bala, Li laindene koonse mpawo. Yebo wabona? Mbo mbubo. Masimpe. Masimpe, Ly aamba cintu coonse cipyia cindi wa Li bala mu Muuya. Iiyi.

Oyu mubuzyo umbi tauli mubuzyo ncobeni, waamba buyo kuti:

172. Nda kapona myaka minji mu cibi kusikila Nda kajana Mwami. Akaka, Mukwesu Branham, Nda kabisyा alubo alimwi Nse eleli kuboola kumbele lyako mu busena obu busalala. Akaka ndaambile ikuti na Nda konzya kuboozegwa cakumaninina alubo. Akaka kondi gwasya, Mukwesu Branham, Ndi jisi dyabolosi muli ndime. Kondi gwasya! Sena mula bikka maanza ako ali ndime a kundi boozeyza alubo?

⁹⁸ Lino, kuli mubuzyo, Nse ubwene cindi Ne ubala kaindi kainda. Kuli mubuzyo. Lino, ikuti na oyo muntu nkwal... Andu bale buyo kuli ndinyewe:

Nda kapona—Nda kapona myaka minji mu cibi kusikila Nda kajana Mwami. Akaka, Mukwesu Branham... (Mwabona?)... Nda kabisyा alubo alimwi Nse eleli kuboola kumbele lyako mu busena obu busalala. Akaka ndaambile ikuti na Nda konzya kuboozegwa kumaninina alubo.

⁹⁹ Iiyi! Tona bisya, mweenzuma wangu, kusakana muli Leza pele ula konzya kuboozegwa. Ikuti na wakabisyा kusakana loko cakuti toka konzya kuboozegwa, nota *yanda* kuboozegwa. Wabona? Wabona? Pele kufumbwa kuti kakuli Cintucimwi cibeleka moyo wako, ucili mu bweende bwa kuboozezya.

¹⁰⁰ “Kuzulwa kuli umwi nkuzulwa kuli yoonse.” Nda kabisyा ziindi zinji, mazuba oonse umwi aumwi wesu ulacita zintu nzo tuta yandi kucita.

¹⁰¹ Cili mu moyo wesu... To yandi kuba mu nzila eyo nape notau buzya mubuzyo oyu. Wabona? Nce cizibyo cini cakuti Leza ucibeleka a nduwe. Antela ula libilika, antela Saatani ukwaambilika kuti tokonzyi kuboozegwa. Uli beja, masimpe, ula cita. Nkaambo, langa, ikuti na kuli kuvuuma, kwiita, kulelede kuba Kuvuuma kuvviila ku kwiita. Ikuti na kuli nzala ya Cintucimwi, cakuti Cintucimwi ceelede kuba kubusena bumwi nape nota jisi nzala ya Ncico. Wabona?

¹⁰² Mboli Mbwe kaamba ziindi zinji. Yalo inswi kaitana kuba akayambyo kusule kwayo, kwa keelede kuba maanzi lutaanzi anjiyo kuti kiiyambilamo nape niya takaba a kayambyo kamwi. Kakutanaba samu likomena mu nyika, kwa keelede kuba nyika lutaanzi kakutanaba samu, nkaambo nyika yakacita kuba lutaanzi kutegwa samu lika komenene mpawo.

¹⁰³ Lino, kakutana konzya kuba bulenge, kweelede kuba Cilenga wakulenga bulenge. Mwabona eco Nce pandulula? Lino, kufumbwa kuti koyanda a kufwa nzala ya kujoka kuli Leza, ngooyo Leza abusena bumwi ukwiita, wabona, nape notali kafwa nzala. Ngooyo Cilenga!

¹⁰⁴ Lino, ikuti yebo . . . Kuli busena obo mbo konzya kulanduka oko nko takonzyi kujokela, pele cindi wanooli nduwe ansi okuya alubo mu ciimo nciconya mo kabede. Ciinka kutondezya kuti wa *kawa* biyo kuzwa ku luzyalo. Kuwa takuli *kusweeka* pe. Ndi yanda muntuumwi kundaambila awo kuwa mpo kwaamba *kusweeka*, a kucitondezya ku Bbaibbele. Sikuwa ta sweekede, uli zwide buyo mu luswaanano.

¹⁰⁵ Israyeli wakawa pele tiiba kasweekelwa cipangano cabو, baka sweekelwa kulumbaizya kwabo—kwabo a lutangalo.

¹⁰⁶ Davida waka sweekelwa lutangalo lwa lufutuko lwakwe cindi naka bweza Betisheba, mukaintu wa Uriya, pele kwiina naka sweekelwa lufutuko lwakwe. Ta kaamba kuti “boozezya lufutuko lwangu,” kaamba, “Boozezya *lutangalo* lwa lufutuko lwangu.”

¹⁰⁷ Oh, kuli kunji loko ziimo zya tulaolao asunu, i “uta gumi, uta labili.” To citi zintu camulao.

¹⁰⁸ Nse boola ku mbungano eyi sunumasiku camulao. Nda limvwa kukatala, Nda—Nda—Nda likubilika, Ndali nyongene, Nda libuzya makani a cintucimwi eco cili kunembo lyangu, moyo wangu ulapya, nokuba kunji kusikila moyo wangu ula legalenga loko. Ndi jisi kukwelwa, kucisa, mpoonya aciindi ecino, ka kuuma nconzyo konse akonse, atala aansi kwinda *awa*. Kukompama, kulibilika, kukankama; kujata *awa* a kusyanikizya; tunwe twangu tuli syanikizidwe u mabbusu angu. Nda mvwa cintu cili coonse pele ndaselemukila *awa*. Nkaambonzi nce Nda boola, mpawo? Nkaambo Nda muyanda Leza. Kupona na kufwa, Nde elede kwiima awa nkambo ka Nguwe. Takuli kuti Nde elede kucita. Inga na tako bikkila maanu naa Nda kacita na pe. Inga nda . . . Ikuti na Nda fwa inga Nda unka ku Julu, nekuba. Pele Nda boola nkaambo Nda Mu yanda. Ula belekela Leza nkaambo ula Mu yanda, kutali kaambo kakuti weeblede kucicita buyo. Nkaambo ula Mu yanda maning!

¹⁰⁹ Nseli kasimpe ku mukaintu wangu nkaambo Nda yoowa kuti uyo ndileka. Ndila syomeka kuli nguwe nkaambo Ndila muyanda. Taakwe mwanakazi umbi mu inyika cita nguwe. Ako nkekaambo Ndila syomeka kuli nguwe. Kutali kaambo . . . Ikuti na Nda lubizya alimwi ba kayeeya kuti Nda kacita cintucimwi cilubide, kaboola kuli nguwe, kwaamba, “Meda, oyandwa, Nse kali kuyanda kucita ceeco.” Na kandi jatila kuli ncico, Ndi lizi kuti na kacita. Inga ne kamujatila; Nda muyanda. Pele Ne—Ne kamujatila; Na kandi jatila. Pele inga Ne tako cicita mu buyo, Nda muyanda maningi cakuta cicita. Ta cili ku nkaambo

kakuti Nse kayeeya kuti Na takandi jatila, walo muzeezo wakuti Ndila yanda maningi cakuta cicita mu busena butaanzi. Elyo kufumbwa kuti Nke muyanda mbuli boobo, Nse kaciciti; alimwi ikuti na ula ndiyanda munzila nja elede kucita, ta kaciti awalo.

¹¹⁰ Elyo ula muyanda Mwami a moyo wako oonse, toelededekulilibika kujatikizya zintu ezi. Ikuti na wa lubizya, tobisyiaacaali, waka cita buyo cintucimwi cilubide. Wabona, wa katezeleka kuwa. Mbwini, wakali atala awa mu luswaanano, waka lokela ansi mu tombe eli ansi awa alubo.

¹¹¹ Pele ino ncinzi? Cili mbuli ii—ii sikwaze. Ciindi cimwi Nda kabona . . . kutala awa ku Cincinnati Zoo, Nda katola Sarah nkabela ndakali kuselemukila okuya. Ikuti na kuli cintu Nce bona cindi cisa, nku bona cintucimwi cijalilidwe.

¹¹² Nse konzyi buyo kuzunda kubona cimwi mu cizangala, nobaba bayuni baniini. Elyo Ndi lizi nywebo nobanakazi mulibajisi bayuni baniini, amu kabaangulule.

¹¹³ Cindi Ne kali mulombe muniini Nda kali kwaamba kuti, “Ikuti na Ndi kasole kujana coolwe, Nda akuba mwaalumi, Ndiyo zwetukila mu ng’anda yoonse a kwaangulula balombwana baniini bacete.” Iiyi, munene. Nda kati . . . Nkekdede kutala kuya mu zuba lipya, elyo balo kabaamba, “Hah, hah, hah,” a mwanakazi ku busena bumwi kusule lya kkota kafweba musanga watobwe, alimwi oyo muyuni muniini utakweankwaya kakkede alya kamvwide kupidwa. Ta konzyi kucita cintu kujatikizya ncico, walo weelede buyo kukkala awo. Elyo ta kazyalilwa eco! Nda kayeeya, “Mulombe, ikuti na Nda konzya kusobelela kutala okuya a ku mwaangulula, inga kata nooli okuya kwa ciindi cilamfu.” Mwabona?

¹¹⁴ Ndila bijilwa kubona cili conse cijalilidwe. Ndila bijilwa kubona muntu uliita kuti *Munakristo* mpawo kajalilidwe ku musyobo umwi wa buzumini bwakukombi bwa mbungano, “Nse konzyi kwaamba kuti, ‘Ameni.’ Nse—Nse konzyi kusyoma muli *Ceeco*. I mweembeli waamba kuti, ‘Utaka Ci syomi.’” Oh, ma, bubotu! Wa kazyalwa cakwaanguluka.

¹¹⁵ Mpawo mbobuti kujatikizya sikwaze mupati? Walo muyuni wakujuju. Ula kkala kulaale aatala lya makumbi. Awo mpe mpawo mpa inka cifumo. Kuya mujulu maningi, taakwe cintu cimbi cikonzya ku mutobela! Kutali muyuni umbi . . . inga wazapauka mu luwo ikuti na wakasola kumutobela. Walo muyuni wakapangwa busalesale.

¹¹⁶ Elyo mpawo muntuumwi waka mujata mu kooze ka kabambwa aabantu, wa kajata sikwaze oyu mupati a kumu bikka mu cizangala eci. Elyo mulombwana mudaala mucete . . . Nda kamulanga nkabela moyo wangu waka suka. Wa kalanga ku lubazu olo mbuli *boobo* nkabela ta kazi nzila yakuzwa mu cizangala eco. Wa kali kunga waboola onse alya, elyo wa—wa kalizi nzila mbwa kalino uluka kuzwa, elyo nakatalika

kubabamika mababa akwe. Elyo ngooyu nakaunka, wa kuma mutwe wakwe ku mingwala akuumma kugusya mapape akwe kuzwa ku maboko akwe, mapepe a mababa awa, alimwi konse ku mutwe wakwe, mane wakali kuzwa malowa. Wa kauma mungwala oyo canguzu loko kuti inga niwa kauma kulaale kusule lyakwe. Elyo wa nalala alya akubilaula meso akwe akakatede, kalanga ku mulengalanga oyo, "Nkookuya Nkwe zulilwa. Ngooyo muunzi wangu. Nkookuya Nkwe kazyalilwa. Pele, amulangisye, akati ka ndime alimwi kuli cizangala. Ee, cintu buyo nce Ndi zyi, Nda bikka mizeezo yangu kuli ncico elyo mpaawa Nda boola," a "bbaa," na kajokela ncobeni alubo.

¹¹⁷ Nda kayeeya, "Oh, ma, sa eco tacili cibbi! Ndi lombozya kuti inga ba musambalila ndime. Ne kabikka Fordi yangu kuba cizibyo cakubbade, mwabona, ku kumwaangulula." Mwabona? Oh, caka ndibamba kulimvwa bubi loko, oyo muyuni mupati utakweankwaya awo, kauma mapepe... Nda kayeeya, "Oko nkuboneka kuyoosya maningi Nkwe kasola kulanga."

¹¹⁸ Peepe, Nda kujosya, kuboneka kuyoosya maningi Nkwe kasola kulanga muntu wakazyalwa kuba mwana wa Leza, elyo mpawo kujalilwa mu kayanza kamwi ka buzumini. Elyo wa kalanga mujulu okuya a kubona Leza oyo ngwa yanda kasimpe kubelekela, pele ta konzyi buyo kucicita. Taba mulekeli kucicita, mwabona, kajalilidwe. Eco ncintu ciyoosya kapati.

¹¹⁹ Iiyi, iyi, mucizi, mukwesu, kufumbwa oyo walemba oyu, ikuti na wakawa *awa* eco tacaambi kuti uli sweekede. Nduwe sikwaze buyo unjide mu cimpati, kwa mana. Wa kajalilwa mu cizangala ansi awa mu cibi alubo. To yandi kuba kokuya, nke kaambo ula langa mujulu. Mpaawo we, "Oh, Mukwesu Branham, Nda kapona lomwe okuya, sa kuli nzila okuno?" Iiyi.

¹²⁰ Cindiyeezya buzuba bumwi (oh, mulombe muniini) Nda kali kweenda kunze lya mpulasi, alimwi kwakali... muntumwi wa kaangide cikwangala wakaindi kumu tantamuna ku maila. Elyo mulombwana oyo wakaindi mucete wakali kutandila kufwa nzala calufu. Nse kakonzya kuba boobo kuba silunya kucita ceeco. Wa kaanga cikwaangala wakaindi ku tende, alimwi oyo mulombwana wakalya zintu zyoonse zyakali koonse, ta kali kukonzya kujana cintu cimbi. I mulimi waka musiya buyo. Elyo wa kaubauka loko cakuti ta—ta kakonzya akwalo kuuuluka. Buyo wa... Elyo bacikwaangala bakali kunga balauluka koonse a kwaamba, "Kroo, kroo, kroo." Mu majwi aambi, kwaamba, "Ko boola, Johnny Cikwaangala! Ciindi camapeyo ca boola, atu unke ku musanza!" Pele ta kakonzya kucicita, wakali angidwe.

¹²¹ Aboobo buzuba bumwi mulombwana umwi wakasika munsi a kubona cikwaangala oyo wakaindi mucete, aboobo wa kaunka buyo okuya a kumujata a kumu sampaula cakutaziba, kati, "Ko zumanana, mulombe, uli angulukide." Mwabona? Elyo aboobo mpawo, cintu citaanzi mulizi, wa kazumanana kweenda koonse.

¹²² Mpaawa kwaka boola bacikwaangala, kaboongolola, “Ko boola, Johnny Cikwaangala! Kroo, kroo, kroo! A tweende ku musanza, mapeyo aboola. Uyo tontola calufu.”

¹²³ Ikuti na wa konzya kucebuka, kwaamba, “Konzyi kucicita.” Mwabona, wa kali angilidwe loko, mwabona, wa kali kuyeeya buyo kuti waka cili angililidwe.

¹²⁴ Inga wayeeya kuti ulangililidwe, ayebo, mukwesu, mucizi, oyo walemba mubuzyo oyu. Inga mwayeeya kuti dyabulosi waka mwaanga kumusanza okuya, pele ula beja. Kwakali ciindi cimwi Muntu nakasika ku nyika, Jesu Kristo, Mwana wa Leza, Wa kakwaangulula. Sena to cisyomi; to elede kukkanla ansi awo, peepe, munene, uli angulukide. Mbo mbubo. Wa kafwa mu busena bwako kugusya zibi zyako. Ko Mu syoma buyo, kovupaula mababa ako a kuuluka kuzwa abamwi babo. Uta kkali mu mulindi oyo wa dyabulosi. Peepe, munene.

Lino. Sa inga mwa bikka maanza ali ndime a kwaanguluka kuli ceeco?

¹²⁵ Mucizi oyandwa na mukwesu oyandwa, masimpe, inga Nda bikka maanza aali nduwe, pele eco inga tii caku kwaangulula. Cintu cinga cakwaangulula, uli... nku mvwisya kuti ulangulukide kale. Wa kaangululwa kale. To elede kulibilika kujatikizya kwaanguluka, uli angulukide kale! Jesu waka kwaangulula. Uta kaangwi alubo mu jokwe lya bwaange. Uli angulukide mbuli mbo konzya. To elede ku zabailwa. Kubikka maanza angu ali nduwe nkansiyansiya buyo. Inga twa cita eco. Kuti, baa, Nda konzya kucita ceeco, pele eco nekuba inga tii cakwaangulula kusikila watambula eco Nca ka kucitila; oyo ndime buyo kaamba “Mwami, Nda Li syoma.”

¹²⁶ Ee, kobikka buyo maanza ako ku lusyomo aali Nguwe, kwaamba, “Mwami, Nda Li syoma,” atala yebo waboola. Mbo mbubo, kolyaambilila zibi zyako. Wabona, “Oyo usisa zibi zyakwe taka jani coolwe, ula vumba zibi zyakwe. Pele oyo uya kulyaambilila zibi zyakwe...” Mpaawo mpo jana lwaanguluko a kululamikwa, cindi wano libambilide kwaamba kuti “Nda kabisywa, Nda kalubila.” Nce ncico nco kaamba awa:

Nda kawa, Nda kabisywa. Nda kalubizya kumaninina! Sa kuli coolwe kuli ndime cakuba kabotu alubo?

¹²⁷ Nincobeni! I kaindi nkoonya wa Li yanda, eco citondezya kuti Leza wakalosya Lukole lwa kuvunwa kukwela nduwe atala. Kotanta buyo aa Lukole Lwakwe lwa kuvuninwa ilwa lusyomo a mupailo, kweenda mpoonya atala muli bamwi basikwaze mbuli obo, kuyabuya akubabamuna mababa. Mbo mbubo.

¹²⁸ Iiyi, kubikkwa kwa maanza, eco—eco ncintu cipati, Ndila syoma muli ceeco. Nda syoma mu kubikka maanza, Nda cita ncobeni. Pele eco tacili ncico cicita. Nda konzya kubikka maanza aa bantu, mvwiki a mvwiki zyonse, elyo nekubaboobo inga tii cagwasya kusikila watambula eco *Kristo* nca kakucitila.

Oko nku zumizya kwangu buyo, kubikka maanza. Ba kabikka maanza aa baalu. Ba kacita zintu ezyo, kwakali kuzumizya kwabo kumbele lya Leza kuti bakapa lusyomo lwabo kuli ncico, bakapa kusyoma kwabo kuli ncico. Mwabona? Ziindizimwi, mbuli buyo zintu . . .

¹²⁹ Nse mvwisigwi loko ziindi zinji loko. Ndi—Ndi jisi . . . busiku bwainda. Nda imikila akati ka mizezo, alimwi Ta—Ta ndizi buyo nzila yakutola. Ndi—Ndili, lwangu, Ndili aakati ka muzeezo, Ta—Ta ndizi cakucita. Nda syoma eyi ni mbungano buyo yakunyama, na mbungano ya kumuuya ikkede awa, mubwini, Ta ndi yeeyeli kuti bali muku rekorda eci aboobo Njo amba buyo eco Nee yanda. Ba . . .

¹³⁰ Nda kali kuyanda kwaambaula kwa moyo muniini kuli ndinywe, elyo Nda syoma Ndiyo kubweza buyo, nekuba. Nda kajisi kagwalo kalembedwe awa a Lugwalo, naa . . . Ikuti na Nse kacita, Ne kanana aa *Vangeli Lwa Ciindi Camamanino*, obo vangeli lya ciindi camamanino mbo libede. Ndiza Njo ibambilila buzuba bumbi. Ndi yanda kwaambaula kuli ndinywe kuzwa ku moyo wangu, kuzwa kunsi lya moyo wangu.

¹³¹ Ndili akati ka mizezo, Nse zyi nzila yakutola. Ndi yanda mupailo wanu. Oku koongelezya kuniini omuno, ali ezi—ali ezi zintu, ndali kujana buyo ciindi ca kwaambaula kuli ndinywe maniniti masyoonto. Cintucimwi cimbi Nce yanda ku mwaambila, mwabona. Ndili mvwisya kuti tuli munsi loko ku cintucimwi. Lino, mutaimpyi kundi mvwisyi, muta ciciti. Mwabona?

¹³² Ii muntu wakandi sikila buzuba bumwi akundi bamba kulimvwa bubi loko. Nda kayeeya, "Masimpe Nse na angulukide boobo mu kuyiisya." Mwabona? Wa kati, "Mukwesu Branham, mu kutandila mazuba manji-boobu Nde elede kuyo pandulwa, kwa mazuba ali kkumi aosanwe, makumi obile atobel." Kati, "Sena ueyeeya kuti Jesu uyooba kokuno, Nse keeleli akwalo kuba a kupandulwa oko?" Mwabona? Nywebo mwabona, mwa kaimpya ku Ci mvisyia. Muta citi eco! Mwabona, muta citi eco. Jesu kwayanda taka booli kwa myaka imbi ili zyuulu zyosanwe. Ta ndizi. Inga kano liko okuno sunumasiku. Inga wasika juunza. Ta ndizi cindi Naya boola, taakwe muntu umbi uuzi. Mukasimpe, Ta zyi awalo Mwini. Nce ncico Nca kaamba. Taakwe muntu uuzi.

¹³³ Pele sena mwakalizi kuti Paulo waka Mu langila kuboola buzuba abumwi? Johane, aa Kasuwa ka Patimo, kayeeya kuti na kapona ku bubona. Irenaeus wakayeeya masimpe kuti Wa kali mu mazuba aakwe. Boonse bamwi babo, Polycarp, Musalali Martin, muciindi coonse ca bukkalo. Luther wakayeeya, "Masimpe nce ncico!" Wesley wakati, "Eci nce ciindi." Charles Finney, John Knox, Calvin, Spurgeon, umwi aumwi wabo wakati, "Eci nce ciindi!" Billy Sunday, kunsemukila mu buzuba obuno okuno, bantu boonse, "Eci nce ciindi!"

¹³⁴ Tula cilangila. Ta tuzi ciindi mbo cibede. Ndila syoma kuti nciindi eci, alimwi Ndi yanda kujatilila muzenge. Elyo amuswiilile, Ndi... Mujate eci kabotu! Ndi yanda kupona ciindi coonse ca buumi bwangu kuti Nda Mu langila ciindi citobela, pele Ndi yanda kuzumanana mbuli kuti inga yaba myaka ili zyuulu zili kkumi kuzwa lino. Ndi ciyanda kubyala mbuto, kutebula butebuzi. Ndi yanda kukambauka Makanimbabtu a kuzumanana mbuli Mbwe kacita lyoonse. Kuyabuya mbuli booboo, a meso angu mujulu, kulangilila; kakwela bali ya buumi i... ku bwezelela maila, museke. Elyo mpawo mwaka uucilila Njo byala zisyango zyangu alimwi, "Mwami, Nda kayeeya kuti Uyo oba okuno mwaka wainda, pele ikuti na Toli obo, Inga waboola mwaka oyu. Aboobo Njo bikka zisyango zyangu mukati ku komezya bana bangu. Ikuti na Wa lindila, bayooba a cintucimwi ca kulya; ikuti na To citi, Ndino Ku langila." Nceeco we, mwabona, kozumanana buyo mbuli lyonse.

¹³⁵ Ikuti na Nda yeeya kuti Uya kuboola cifumo, sunumasiku inga Nke kambauka mulumbe nguwenya oyo Ngwe kambauka lino. Ikuti na Nda yeeya kuti Uya kuboola cifumo, inga Nse unka kubusena a kusambala mootokala wangu, inga Nse unka kuyo cita *ceeci*, *eco*, na *cimbi*. Inga ndazumanana buyo mbuli Mbwe kacita lyoonse, nkaambo kaindi konse Ndi Mu langla kuboola. Nkaambo kwayanda inga Wa boolela buyo nduwe, inga lyaba oora lyako sunumasiku. Ndiza ndi oora lyangu sunumasiku. Ta ndizi. Pele limwi lya ngawo liyooba oora lyesu.

¹³⁶ Elyo ino cibamba lwandaano nzi ikuti na Ndila pona awa na Ndili zikkidwe kulaale? Nkambo ikuti na Nda bbadela kale cisubulo ca lufu, Njo bako kumbele lya muntu uli oonse uupona. Mbo mbubo. "Nda amba *ceeci*," Batesalonika Bibili, cipati 5, "Nda amba *ceeci* kuli ndinywe mu Milao ya Mwami. Swebo to baumi a basyeede ku Kuboola kwa Mwami tatu kakassyi na kusinkila abo boona. Nkambo mweembo wa Leza uyo lila, nkabela bafwide muli Kristo bayo buka lutaanzi," coolwe ca baabo bafwide bayo buka lutaanzi. Eyo nje nzila mbo tuzi kuti cili awfaafwi, mwabona. "Mpawo swebo to baumi a basyeede tuyu cincwa, mu kaindi kaniini, kulaba kwa liso, elyo tuyu kwempwa antoomwe a mbabo, kuyo swaana Mwami mu mulengalenga."

¹³⁷ Aboobo ino cibamba lwandaano nzi ikuti na Nda kafwa mu ciindi ca Nowa, ikuti na Nda kafwa mu ciindi ca Abrahamu, ikuti na Nda kafwa mu ciindi ca baapostolo, ikuti na Nda kafwa mwwiki zyobilo zyainda, na ndyoonya lino? Ino ndwandaano nco cinga cabamba? Ndi nooli kokuya mu kaindi kaniini, mu kulaba kwa liso, Ndi yaama buyo kusikila ku ciindi eco.

¹³⁸ Lino, kubungana kuyooba ku Mwami. Mbuli Jakobo, mu cipati ca 49, wa kat, "Cindi Shilo aakasika, elyo kubungana kuyooba kuli Nguwe. Takukabi sikupa milao kwiinka

kusikila . . . kuzwa akati ka matende, kusikila Shilo aakusika,” ku kanana Juda, “alimwi kuli Nguwe baya kubungana.”

¹³⁹ Lino, bantu banji loko balangila mbungano, nkamu mpati ya bantu kuti bakwempwe antoomwe, mbungano, kabungwe, buzumini bumwi bwabukombi bwa cintuciimwi ca kukwempwa. Eco tacili ncico. Eco tacili ncico pee.

¹⁴⁰ I kubungana kwa bantu, cindi Leza aita butanga Bwakwe antoomwe, Inga watola bobilo kuzwa mu Jeffersonville, bobilo kuzwa mu Indiana, bobilo kuzwa mu Kentucky, bobilo kuzwa mu Mississippi. Nce ncico ncobeni Nca kaamba; kutali majwi alo, pele Wa kati, “Kuyooba bobilo mu muunda,” mpe mpawo lyanooli isikati, “Njo bweza omwe a kusiya omwe. Kuyooba bobilo mu bulo,” lubazu lumbi lwa nyika nciindi ca masiku, “Ndiyo bweza omwe a kusiya omwe.” Mwabona?

¹⁴¹ I kubungana kwa bantu taku kabi kwa kabunga kalyanda, ka nkamu *awa*. Kuyooba bubuke bwa boonse munyika kwa kubungana antoomwe, nkabela Kukwempwa kuyo boola nzila njionya. Nkaambo Wa kati, “Cindi umwi woona mu kulangilila *oku*, umwi mu kulangilila *oko*, umwi mu . . . kuyaansi ku kulangila kwaciloba. Elyo mpawo cindi Sibwiinga nakasika, oonse wabo waka sinsimuka, boonse, lweendo loonse kuzwa ku ciindi ca Matalikilo kusikila ku mamanino aa Ciybunuzyo. Boonse babo baka sinsimuka, mbo mbubo, kulibambilila kunjila.”

¹⁴² Lino, nywebo mwabona, Ula tondezya kuti boonse bafu bayo buka kuzwa ku cuumbwe, ku kuboola Kwakwe, baluleme, Nabwiinga, abo boona bali mu cuumbwe bayo buka ku bubuke. Mpawo Ula tondezya kuti bantu bapona aa nyika, ku yooba omwe *awa* a omwe *awo*, ta ikabi nkamu ya bantu babungana antoomwe mu kakamu niini. “Nkambo kuyooba omwe mu muunda, na bobilo mu muunda, Ndiyo bweza omwe a kusiya omwe,” mpaawo kwaboola imwi ya Mbungano isikati. Ku lubazu lumbi lwa nyika, “Kuyooba bobilo mu bulo, Njo bweza omwe a kusiya omwe.” Sa mbo mbubo?

¹⁴³ Aboobo kubungana kuyooba kuli Kristo naa Ndili mu Jeffersonville, naa Ndili mu Sweden, naa Ndi . . . Elyo kufumbwa nko kubede, kubungana kuyooba ku Mweembezi. Mwabona? Elyo mpawo antoomwe tuyo kwempwa a bubuke kuyo swaana Mwami mu mulengalenga. Bantu bayo boola kuzwa ku zibeela zyoонse zya nyika, abo bapona. Bantu abo bafwide, a bamwi, bayo buka. Elyo antoomwe Mbungano iyo kwempwa antoomwe kuyo swaana Mwami mu mulengalenga. Mwabona?

¹⁴⁴ Kuboola Kwakwe kuyooba kwa boonse munyika. Ta kukabi kubooli buyo ku Louisville. Ta kukabi buyo kuboola ku Baptisti, ku Presbyteria. Ku yooba “kwa banjoloma mu moyo bayo bona Leza,” a bubuke a kubungana kuyooba kuzwa ku masena oonse.

¹⁴⁵ Elyo, lino, ino kuboola lili? Ndiza sunumasiku, ndiza juunza, ndiza mwaka uno, ndiza myaka ili makumi osanwe, ndiza myaka ili mwaanda, ndiza myaka imbi ili cuulu. Ta ndizi. Taakwe muntu umwi uuzi. Pele atu—swebo, yebo a Ndime, tupone sunumasiku mbuli kuti kuyooba sunumasiku.

¹⁴⁶ Pele, lino, mu kucita mbuli mbo kacaamba, “Ndi—Ndi jisi kupandulwa.” Ee, ikuti na weeleda kuba a kupandulwa, to jisi lusyomo lwa kuponesegwa, koya ambele a kuba a kupandulwa kwako.

¹⁴⁷ Ikuti na Nda kali sikuula i—i... Muntu umwi wakasika a kundi lembela kagwalo buzuba bumwi, a kuti, i—i lugwalo lupati, a kuti, “Mukwesu Branham, Ta ndizi cakucita.” Kati, “Mebo a mukaintu wangu twa kasyomeka loko kuli Leza mbuli mbo tukonzya kuba. Twa komezya bana besu.” Elyo kati, “Lino, eco Nce gamba,” kati, “twa... twa ka yobweda mpulazi, kaula mpulasi.” Elyo kati, “Obo mbo twii yanda! Kuli kasensa okuya; kuli ii—ii kalonga kainda mu busena.” Kwa kali mu Oregon. Elyo kati, “Tu mvwa kuti ulaboola ku Oregon. Ndila kwaambila eco nco twa kayeeya kucita. Tu lizi kuti... Twa kayeeya kuti inga twa iyobweda bana, nkaambo taakwe wabo Banakristo.” Kati, Kati, “Twa kayeeya kuti inga twa iyobweda mbabo mbuli mbo beeleda kukkala okuno kuyoinda mu mapenzi mapati, a kwi yobweda mbabo a kubalekela kuba a cintucimwi, nkambo tu syoma kuti tuyo oba mu Kukwempwa. Aboobo ta tuzi cakucita kujatikizya ceeco, aboobo antela cindi wa kuboola tuyooapa mpulasi kuli nduwe, mwabona, elyo mpawo inga wacita a njijo kufumbwa nco yanda.”

¹⁴⁸ Nda kasandula, Nda kati, “Mbobuti mbo cili ciyandisi kuli ndinywe kuyeeya bana banu.”

¹⁴⁹ Kati, “Mebo a baama tula inka okuya, ku mangolezya.” Kati, “Ndali bambila kucita ritaya, alimwi” kati, “i maora a misaalo ngo tujisi, kuzabuka mpulazi, kulanga ku kasensa, elyo kwiimikila alya nke lumbaizya Leza.”

¹⁵⁰ Nda kati, “Ko zumanana kucita ceeco, kupona mbubonya obo, kunyama, kuzintu zyaansi. Kozumanana buyo kozumanana kusikila Aka boole. Wabona, kuzumanana buyo kukkala awa, kuyabuya mane Aka boole.”

¹⁵¹ Makanze, ko zumanana, kubamba eco, “Ikuti na Mwami wayanda! Ikuti na Mwami wayanda! Ndiyo cita ceeci, ikuti na Mwami wayanda.” Inga wasika kacitana kuba ciindi eco. [Kabeela katakweecintu aa teepu—Mul.] Pele kozumanan buyo kuyabuya mbuli mbo cita mane... Pele amubikke buntu bwanu kabupukutidwe, mukuti, Inga wasika kufumbwa miniti. Mwabona, koli bambila. Nkambo, Yebo wabona, inga Wa ku boolela kufumbwa miniti, kufumbwa kavwalu, kuduntaana kwamoyo kutobela, kuyoya kutobela, Inga wabolela nduwe.

Pele kozumanana buyo kucita kufumbwa nco yanda, kufumbwa kuti kacili aca bwini a cibateme, ko zumanana kucicita.

¹⁵² Lino, tu lizi kuti tu langanya cintucimwi. Ndi licizi; Muli cizi. Nse—Nse—Nse zyi nzila ya kutola. Nywebo mula yeeya kutandila myaka yone yakainda, mu Chicago buzuba bumwi, Muuya wa Mwami wakaboola ali ndime elyo Nda kati, “Eci ncencico! Elyo lubukulusyo lwamana, nkabela America yakaka ciindi cayo ceelede.” Kulaa teepu. “Alimwi takukabi limbi. Ciindi cakwe ceelede camamanino wa cikaka.”

¹⁵³ Ndi yanda kuti mulange. Sena muntu umwi ulizi kuti mbuzuba nzi obo nicakali aa teepu? Tuli ijisi. Leo a Gene ba lijis. Nda kacimvwa okuno kutali ciindi cilamfu cainda. Boze waka cibikka mu pepa lyakwe. Elyo aboobo amulangilile buyo eco cakacitika kuzwa ciindi eco, mwabona, lubukulusyo lwa kaima.

¹⁵⁴ Nda kaamba eco kutala ku—ku Blue Lake masiku amwi, elyo mulombwana muniini waka kwiiminina cifumo cakacilila, kati, “Mukwesu Branham inga waamba kuti ba Pentekoste bali kujisi, pele kutali ndime! Bulemu kuli Leza! Aleluya,” a kuyabuya a kuyabuya. Mwabona, pele mulombwana muniini tako ziba buyo ayo mamanino aa mweembo mpa kali kufulidilla. Mwabona, ta mvwisyi. Mwabona, ta zyi. Kuli kabotu, kuyandisya kapati, oko kuli kabotu cakulondoka.

¹⁵⁵ Pele amulange koonse! Ino bacita nzi? Ino ndipenzi nzi ku bantu? Ncinzi cakacitika ku lubukulusyo? Ncinzi cakacitika kuli Billy Graham, Oral Roberts, bamwi babo? Nkokuli lubukulusyo nko luya buzumanana? Lwa kamana! I busi bwa kkalilila. I mbuto zya mizwa. I muswaangano wamana. I mililo yamana kusuka. (Mu tempele lyakale lya Rome, mu cikko camuliloo, cindi mililo niya kamana mu basambazi kainka ku miinzi, ku zipaililo.) Lino, tula bona lubukulusyo kuti taluko. Takuli kuyandisya kupati.

¹⁵⁶ Mpawo Ndi yeeya kuti kujatikizya mulonga mu 1936, Ndi yeeya eco Nca kaamba. Ncinzi cakacitika okuya? Bunji bwanu mulizi. Nda kali mulombe buyo, a kubapatizya lubapatizyo lwangu lutaanzi cindi oyo Angelo wa Mwami naka seluka a kwiimikila awo Mpe kabede. Bantu bamwi bakati, “To kacibona pe.” Mpawo sayaansi yakatondezya kuti cakali boobo. Mwabona? Mwabona?

¹⁵⁷ Lino, ino Wa kaamba nzi okuya? “Mbuli mbo cakabede, mbuli Johane Mubapatizi mbwa katumwa ku solela kuboola kutaanzi kwa Kristo, Mulumbe wako uyo solela Kuboola kwabili.”

¹⁵⁸ Nda kalangilila ceeeo ku nyika, kuzunguluka nyika ca keenda. Kutandila buyo busiku boonse, lubukulusyo lwaka pasuka koonse. Mililo ya lubukulusyo yakali kupya koonse, kwakali lubukulusyo lupati maningi ndo twa kasola kuziba. Pele

sa kwakali cintu cili coonse kakutanaba eco? Kutali cintu! Cindi mvwiki zyobile kakutanaba eco, Nda kamvwa muntu kaamba mubandi mu New Albany, kati, "Bantu bakali kunga basyoma kuti coongo cipati citagwasyi ca—ca lubukulusyo, mbuli Billy Sunday ambabo." Kati, "Tu lizi kuti ta kukonzyi kuba limbi kuli mbabo. Bantu bayanda bumboni busoolokede; takukwe cintu cili boobo!" Cindi nibakali kupanga eco coongo cipati cita gwasyi, ku ciindi nciconya Leza wakauma i lubukulusyo lupati maningi ndo twa kajisi kuzwa ku maentuari abo, bantu banji baka futulwa: mamilioni.

¹⁵⁹ Kuyobololwa kwa makani kulatondezya kuti mulumbe wa muntu utola myaka yotatwe, kufumbwa wabo, mpawo ula pona aa mpuwo yakwe cimwi ciindi kusikila Leza aka mwiite. Lino, eco cali kuzwida ciindi ca Kristo, Wakwe wakali yotatwe acisela, mwabona. Elyo kutondezya kuti boonse kuciindi cakatabela, Spurgeon, Knox, Calvin, Iweendo loonse ansi, kula tondezya kuti myaka yotatwe kuli yotatwe acisela nge magolela a mulimo wa muntu. I cimwi cawo... Nkendulo yakwe yamana kuyaka, walo uponena ku mpuwo yakwe yakainda. Ikuti na wakali mubi, milimo yakwe—yakwe yaka mutabela; ikuti na wakali luleme, milimo yakwe yaka mutabela. Kwa mana.

¹⁶⁰ Lino, ino cakali kwaamba nzi? Nda kali kukambauka ku mbungano eyi okuno a kumwaambila kuti "Nda syoma kwakali umwi mupati wakali kuboola." Nda syoma ndaka mwaambila kuti "Ndi syoma kuti Magwalo alagwasilizya kuti kuyoooba mutumwa wa bukkalo bwa mbungano yamamanino." Nda syoma obo. Nda kalangila muntu oyo kulibonya, Nda kalangilila cakuzumanana.

¹⁶¹ Elyo Nda bona muntu kabuka, Nda mumvwa, muntu mulemu katalika kufumpa, Nda bona mulumbe wakwe uli kulaale kuzwa mu Bbaibbele. Nda mubona kauluka kujokela okuya mu kkona. Mwabona? Nda langilila umwi umbi kabuka, kauluka kutala okuya, pele tasiki akati ka basikwaze, ula kkala akati ka bacikwaangala batubungwe. Ula kkala ansi *awa*, kabunga kakwe, aumwi umbi kunjizya bumembala bumwi bunji azimwi zimbi. Nda kalangilila, Nda kabona kakafwa.

¹⁶² Ndi yeeya kuti, "Leza, uli kuli oyo uyo boozezya Lusyomo lwa matata kuya ku bana? Nkuuli Mbuto nko ziya kubyalilwa? Mpaali awo? Ncinzi ceelede kucitika?"

¹⁶³ Lino caboola kuli ceeci. Ikuti—ikuti na Mulumbe oyo kunselelo lya mulonga buzuba obo, ikuti na wali nguwo, Kuboola kwa Mwami kuli afwaafwi, kutandila awa. Ikuti na takuli obo, kuli luumuno kakutanaba guwo lyamvula. Ta ndizi. Tana ciyubununa kuli ndime. Ndi sola kulibuzya, "Sena oyo Mulumbe Wakwe wamulao? Sena eco ncencico coonse Nca kali kuyanda kuti ndaambe? Sena eco ncindi Na kalailila? Sena oyo wakali onse waco? Ikuti na cili obo, tuli munsi loko, loko.

Nkumuka maningi kwiinda mbo tuyeeya. Ikuti nicaatali obo, kuli luumuno kakutanaba guwo lyamvula.

¹⁶⁴ Lino, umwi wandi lembela okuno kutali ciindi cilamfu cainda, a kundi buzya, kati, "Ikuti na tosyomi kuti mbungano iyo inda muciindi ca Mapenzi mapati, ino kujatikizya Ciyubunuzyo 13, obo mboba kazunda ku Bulowa bwa Kabelele a bumboni bwabo?" I mutnu wakabuzya mubuzo oyo. Nda libuzya. Sena mula mvwisya kuti zipati zitaanzi zyotatwe zya Ciyubunuzyo zibeleka a Mbungano mu bukkalo bwa Mbungano? Eco nciindi ca Mapenzi mapati, kutali bukkalo bwa Mbungano; Mbungano Yakwempwa a kuunka kujulu ku cipati ca 4 ica Ciyubunuzyo, kwiina aboola alubo mane ku cipati 19 cindi Ca boola a Jesu. Mbo mbubo. Eco nciindi ca Mapenzi mapati, tacili cintu cakucita a Mbungano nokuceya.

¹⁶⁵ Zyoonse ezi zisyomezyo zipati zya zintu zipati nzo mwa kabona mu Bbaibbele, mbuli ceeco ciyo citika, eco cili mu bwami bwaba Juda, kutali okuno akati ka Bamasi. Ndi syoma kuti bayooba a mulundano kwiinda kuli oyu weeleda kuboola ku kuboozezya Lusyomo lwa bantu, olo lwaka syomezegwa. Elyo nzila biyo Nje konzya kumvwisya ceeco, nkaambo Wa kati, "Kwaakumana biyo Mulumbe oyu, kuti, nyika iyo umpwa a kupya, mulilo." Andi bale buyo eco kuli ndinywe kuciindi notuli mpoonya awa, a kulangilila eco Nco lyaamba.

¹⁶⁶ Elyo lino mulumbe oyu muniini wa Bwami, ndiza Njo ukambauka Munsondo eyo iicilila cifumo, ikuti na Mwami uyo ciyanda, mwabona, alimwi ikuti na Mwami wayanda.

¹⁶⁷ Lino amulangilile awa, nkooku kuboola kwa Johane, Malaki 3:

*Amubone, Nda...tuma mutumwa wangu kumbele
Wangu...tuma mutumwa wangu, elyo uyo bamba nzila
kumbele lyangu: alimwi Mwami, oyo ngo muyandaula,
uyo yutulila ku tempele lyakwe, naba mutumwa wa
cipangano, oyo ngo myua kubotelwa mo: amubone, uyo
boola, mbwaamba Mwami wa makamu.*

¹⁶⁸ Nywebo mwabona eco? Malaki 3. Matayo lino, amulangilile Matayo cipati 11, a kuswiilila kuli ceeci, a kampango ka 6. Atu bale lino Mala-...Matayo 11, Jesu kakanana. Elyo lino atu talikile aa cipati 11:

*Elyo caka boola kucitika, cindi Jesu naka manizya
kulailila Kwakwe kuli basikwiiya bali kkumi ababili, wa
kazwa kuyo yiysya a ku kambauka mu miinzi yabo.*

*Elyo lino cindi Johane nakamvwa mu...ntolongo
milimo ya Kristo, wa katuma basikwiiya bakwe bobilo,*

*Elyo wakati kuli nguwe, Sa yebo ndo nduwe weeleda
kuboola, naka tucilangila umbi?*

¹⁶⁹ Mwabona oko kusiyasiya kwa musinsimi oyo? Wa kalizi kuti cintucimwi cakali kuyo citika, pele ta kali masimpe awo mpo cakabede, mwabona, mwabona, buyo eco cakali kucitika. “Sa Nduwe Na?” nakamana ku Mwa ambilizya.

Elyo Jesu... wakati kuli mbabo, Kamuya mu katondezye Johane alubo ezyo zintu nzo mvwa a ku bona:

I boofu balatambula kukubona kwabo,... balema baleenda, basicinsenda bala salazigwa,... basinkemati balamvwa, bafu balabusigwa, elyo bacete ba kambauka makanimabotu kuli mbabo.

Elyo ulacoolwe walo, oyo uta lebwi muli ndime.

Elyo mbuli mbo bakaunka, Jesu wakatalika kwaamba ku makamu kujatikizya Johane,... (Lino amuswiile!)... Ncinzi nco mwakainkila kuyo bona mu nkanda? I tete kali pekema ku muuwo? (Peepe, oyo taakali Johane, kwiina kulimvwanya a Johane.)

...ncinzi ncomwa kaunkila kuyo bona? Ii muntu kasamide mu zikobela ziteteete? (Mu majwi ambi, kkola kali nyonedwe, nywebo mulizi, muntu mulemu uyiide kapati) amubone, abo basama zisani ziteteete bali mu maanda aa bami. (Abo bamyonta bavwanda, akukwatanya bana, akuzikka bafu, alimwi, nywebo mulizi, na kuba munsi lya bamami. Oyo ngo musyobo, tajisi nguzu zya kujata Cceba lya maanza obilo. Mwabona?)

...Lino, ncinzi ncomwa kainkila kuyo bona mu nkanda? Ii muntu a zisani zyakwe, a kupekema ku muuwo?

...Ii muntu wakasamide zisani citeteete? amubone, abo basama zikobela citeteete bali mu mapalesi a bamami.

Pele ino mwakainkila kuyo bona nzi? Ii musinsimi? inzya, Nda mwaambila, a kwiindilila musinsimi.

¹⁷⁰ Amulangilile! “Nkambo ka ceeci...” Amuswiile lino, aya Majwi aa Jesu Mwini:

Nkambo oyu ngo nguwe, walo uulembedwe, Amubone, Nda tuma mutumwa wangu kumbele lya Lusyomo Lwangu, alimwi wa... busyu, elyo uyo bamba i nzila kumbele lyako.

¹⁷¹ Lino amulangilile Malaki 3:

Amubone, Nda... tuma mutumwa wangu, elyo uyo bamba nzila kumbele lyangu:... (Malaki 3, kutali Malaki 4.)

¹⁷² Lino amulangilile Malaki 4:

Nkambo, amubone, buzuba bula boola, obo buyoopya mbuli ceengelo; elyo boonse balisumpula, inzya, a boonse abo bacita bubi, bayooba zisiko: . . . i buzuba buya kuboola obo buyo baumpa, mbwaamba MWAMI wa makamu, . . . tau ka siyi nouba muyanda nanka mutabi (oko nkwa Mapenzi mapati a lunyonyooko, mwabona, oko nkuboola).

Pele kuli ndinywe nomu yoowa zina lyangu Zuba lya bululami liyo pasuka a kuponya mu mababa akwe (kuboola kwa Mwami); elyo moyo unka mbuli . . . moyo unka, a kumena mbuli boombe bamu cimpati. (Eco cili mbuli kwiinka ku macelelo, kweenda kuzwa.)

. . . moyo lyatawida ansi babi; nkambo ba yooba itwe kensi lya matende aanu mu buzuba obo mbo Ndiyo cita ceeci, mbwaamba MWAMI wa makamu.

¹⁷³ Mu bumbi, balulami, mu kubweeda a Kristo ku nyika, bayo lyataula aatala atwe. Cindi wabona bantu aba, batuncimwa, basikamukami, baluzondo, batamikami, basikutwela elyo nekubaboobo kutaminina kuba Banakristo, tabali cintu pele itwe. Kwa mana. Eco nce ncico Lugwalo nco lwaamba. Mwabona? Lino amulangilile.

Amuyeeye . . . mulao wa Musa mulanda wangu, oyo Ngwe kalailila . . . walo mu Horebu yaba Israyeli boonse, a milazyo a mbeta.

Amubone, Njo mu tumina Eliya musinsimi kakutanaba kuboola kwa buzuba obo bupati a buyoosya bwa MWAMI:

Kakutanaba buyo Buzuba obo, kubweeda kwa Mwami, Eliya uyo boola lutaanzi.

¹⁷⁴ Yaa, amuyeeye, nekuba ciindi cicicza. Lino, nikwaa takonzeka kuba kuboola kwa Johane. Wa kali Eliya, pele ula boola ziindi zili faivi, lino. J-e-s-u, l-u-s-y-o-m-o, l-u-z-y-a-l-o. Mwabona, *faivi* mweelwe wa “luzyalo.” Eliya ulapanga kubonekela kosanwe: ciindi cimwi ngu Eliya; mbuli Elisha; mbuli Johane; ku mamanino aa Bamasi; a okuya a Musa kuba Juda. Mweelwe uulondokede, musinsimi uulondokede, mutumwa uulondokede, mukali, sicamba. Mwabona? Amubone:

. . . Njo mu tumina Eliya . . . kakutanaba kuboola kwa Buzuba, buzuba bupati a buyoosya bwa MWAMI:

Elyo uyo sandula myoyo ya matata kuya ku bana, a myoyo ya bana kuya ku i matata, cuti Nta booli kuzoomya nyika alutuko.

¹⁷⁵ Mwabona, kutali kuboola kutaanzi kwa kuzibisigwa; oyo wakali Johane, nkaambo nyika tiiya kypy mbuli zikuba, balulami tiiba keenda atala lya itwe lya babi. Pele kakutana buyo kucitika ceeci, Elisha uyo boola. Elyo ino uyo cita nzi?

Kuboozezya Lusyomo lwa bana kujokela kuli taata, Lusyomo lutaanzi lwa Bbaibbele.

¹⁷⁶ Cindi Nda bona muntu kaboola, Ndi yeeya kuti, “Oyo weeledede kuba nguwe. Ngooyo muntu ubuka mu mpuwo, amu mulange, mambungano alaunka.” Ino ucita nzi? Ii mamaile aali cuulu kuleya kuzwa ku Bbaibbele. Ino ucita nzi? Kutuntulika konse, luwo lwapa mweenya nkabela ngooyo waselemuka. Mwabona, “Bala ciwa ca bukombi a kukaka Nguzu zya mbubo.” Kukaka Lusyomo, bata syomi mu Bbaibbele, kwaamba, kujatilila ku tuyanza twa buzumini, tubungwe, kujana bana batubungwe. Kweelede kuwa. Ngooyo wajokela nconzyo.

¹⁷⁷ Uli kuli oyo umwi uyo miza Mbuto eyo ya Mbungano ya ciindi eco camamanino? Ili kuli Mbuto eyo iibizwa, yakasyomezya Eliya? Elyo mpoonya buyo mazuba akwe Mapenzi mapati akatalika kuba a kuyaka nyika.

¹⁷⁸ Elyo mpawo ku kubweeda kwa Mbungano a Nabwiinga, i Nabwiinga a Kristo bayo enda atala atwe lyabo, mu Mileniamu, cindi nyika nosalazigwa ku mulilo. Elyo mbaabo bayo lela. Elyo bahedeni abo bata kamvwa Makanimabotu bayo busigwa mu ciindi eco, nkabela bana ba Leza bayo yubununwa. Ikuti na weeledede kulela, weeledede kuba acintucimwi cakulela, ujisi bwendelezi. “Elyo ba keendelezya a kulela antomwe a Kristo,” alimwi Kristo wakalela kubelesya musako wa butale, masi. Mpawo Makanimabotu...Mpawo bana ba Leza baka yubululwa, a bwami mbubonya mbuli Mbwa kajisi cindi Na kali waano, mwabona, kuyo boola Mileniamu mu Bulelo obo, mwabona, atala lyatwe.

¹⁷⁹ Aboobo Nda kalangilila cintucimwi. Sa caka sobelela kwiinda kuli ndiswe mu bubombe nkabela twa kaciimpya? Sa cakaunka nkabela mbungano ya siigwa mu cibi cayo? Ikuti na cili boobo, mpawo kwaba kumukisyia kwinda mbo muyeeya. Ikuti na pe, mpawo kuli umwi uboola a Mulumbe oyo uutonkomene aa Bbaibbele, a mulimo wakufwambaana uyo zunguluka nyika. I mbuto ziyo njila mu mitende, kubala cintu, kusikila Mbuto zyoonse zyakakanza izya Leza zyaya Kuu mvwa. Taakwe wabo uyo boola citakuti Taata waka bakwela, alimwi umwi aumwi Taata ngwa kakwela uyo Umvwa a kuboola. Eyo iyooba, Mbuto ya kakanzwa iyo limvwa Ijwi.

¹⁸⁰ Mpawo cindi eco caaku citika, kuyooba kubungana antoomwe. Elyo Jesu uyo libonya, nkabela kuyo unka Mbungano kuzwa ku nyika yoonse mbuli boobo, a bubuke, kuya butanta.

¹⁸¹ Sa ciyooba mbuli Johane mbwa kasika, alimwi abalo basikwiya bakasalidwe tiiba kacizi abalo? Ba kati, “Nkaambonzi balembi baamba kuti Eliasie weeledede kuboola lutaanzi?”

¹⁸² Wa kati, “Wa kasika kale nkabela tii mwa ka ciziba.” Pele kati, “Ba kacita eco ncoba kaamba kuti bayo mucitila.”

Mulumbe wakwe wakafwambaana loko, mulange, kuli ba Israyeli boonse, alimwi caka citika biyo muli omwe kaniini pla-... tobilo—tobilo tubeela tuniini: kensi buyo mu Jerusalema a kokuya, na kunselelo ku Aenoni oko Johane nkwa kainka kuyo bapatizya, elyo nkoonya kunselelo lya mulonga oko nkwa kali kubapatizya, mulonga waka yuminina. Myeezi buyo ili cisambomwe, a kuzibya koonse kwa Mesiya kuboola moonya mukati. Mwabona?

¹⁸³ Sa twa impya cintucimwi? Sa nkumuka kwiinda mbo tuyeyya? Oku nkubandika kwa moyo ku moyo eno. Aya alo, sunumasiku buyo, buyo ku... Inzya, kwalo ndiswe buyo—buyo twaambaula awa. Sa nkumuka kwiinda mbo muyeyya? Sa oyo wakali Mulumbe mubwini okuya ku mulonga buzuba obo? Sena waka sobelela munsi, nkabela bantu baka Ubona? Sa ngo Nguwo? Mpawo cili ncobeni kwiinda mbo tuyeyya. Ino ciyooba lili? Ta ndizi. Inga caba sunumasiku. Inga kwaba myaka imbi ili makumi osanwe. Ta ndizi cindi ni kuyooba, Njo zumanana buyo kuyabuya mbuli Mbwe bede lino. Ee, ino ncinzi? Sa Ndi langila cintucimwi?

¹⁸⁴ Nda kajisi ciloto ceenzu busiku bwainda, caka ndipenzya buzuba boonse. Kanji Nseloti maningi. Pele Nda kajisi ciloto...

¹⁸⁵ Nda kali kunga ndaunka koonse, alimwi kwakali kunga Nda nda umputa Mulumbe oyo alimwi Nda kali kunga ndabona umwi awa a umwi awo kuti Ajuate. Nda kali kujoka ncobeni akuumputa Mulumbe nkabela balulausya mpemo zyabo akweenda kuzwa. Ino ndipenzi nzi? Sena baka bisya cakusotoka buzuba bwabo bwa luzyalo? Sa umwi wamamanino wa njila? Sa bwagola? Sena tu lindila lunyonyooko? Sa lonse olu lumamba lusyoonto lubukila obo kuti kuli bambilwe?

¹⁸⁶ Cintucimwi cilibambil kucitika. Kacitana citika, Mbungano inooli yaunka. Obo Mbwe tazuminani kuti Mbungano iyooba mu Mapenzi mapati! Mbobuti mbo konzya kupanga cimvule kugusya kuzwa ku cintu cini? Mwabona? Nowa wakali mu bwaato kakutanaba dosi lyomwe lya maanzi kusola kuwa. Lota wakali kuzwa mu Sodoma mulilo kautana sola kuwa. Mwabona? Jesu wakati, "Mbuli mbo kwakabede mu mazuba ayo mbubonya mbo kuyooba mu kuboola kwa Mwana wa muntu." I Mbungano ta yeelede kuyo imikila ku lubeta, ili kale muli Kristo.

¹⁸⁷ Eco nco tu yandikana mbulondosi bwa basalali. I basalali taba mvwisyi, mwabona, bali mukujana... Ta bazyi buyo eco ca kuyeeya, mwabona. Lino tul... .

¹⁸⁸ Ikuti na mbo mbubo... Ikuti na tacili obo, kuboola cintucimwi cakufwambaana ncobeni, kuyooba kubbotoka. Nda langilila, Ta ndizi nzila yakutola.

¹⁸⁹ Masiku ainda Nda kalota ciloto. (Mpawo Ndila jala.) Nda kalota ciloto, cintu ceenzu loko... .

¹⁹⁰ Nda kali lede alya nkeambaula ku mukaintu wangu, kujatikizya sikw-... Twa kali kukomba buyo, elyo Nda... Muntuumwi, Dallas wakaindi maniini, kaita kuti waka jisi cintucimwi cakauma mu kutwi kwakwe, elyo Nda kanjila... Kazwa malowa, alimwi wa kacita kuzuza kuli dokotela. Elyo Nda kanjila kuyo komba, elyo Muuya Uusalala wakati, "Eco cili kabotu." Mwabona?

¹⁹¹ Ngooyu waboola, cili kabotu. Dokotela wakati, "Baa, Ndali kuyeyya kuti uyo ba..." Kati, "Wa kacisa ngoma ya matwi, kaidonkola, a bulowa kabuzwa kuli nkuko, elyo nku konse." Zyoonse buyo... I ciindi citobela twa ka—ka jokela, taakwe nca kaamba kuli ncico. Tazi cintu, mwabona, taakwe cilwazi, taakwe cintu. Mwabona?

¹⁹² Aboobo mpawo umwi waka tumina, elyo Nda kali kunga ndaunka mu kaanda a kukomba. Kutandila buzuba bumwi baka tumina, kuti, "Ca mana. Ncibotu akululama! Kuyabuya!"

¹⁹³ Elyo Nda kali kwaambaula ku mukaintu, Nda kati, "Oyandwa, kutandila mwaka a myeezi yone Nse kaziba nzila ya kutola pe." Nda kati, "Ta ndizi cintu." Waa kati... Twa kali kwaambaula makani a mulimo. Nda kati, "Ta ndizi cakucita, Ndi liimvwi nkabela Ndali buzya. Sa tu langila... Sa oyo musinsimi mupati wa Leza... uboola aa cilao ku bbotola cintu? Sena ciyo zibwa antangalala kubuleya?"

¹⁹⁴ Nda kayeeya, "Eco ciliimpene ku Lugwalo. Peepe, ngu: 'Ula boola mu oora ndyo muta yeeyi.'" Mwabona? Elyo Nse zyi cakucita. Sa twa ka ciimpya? Nda kayeeya, "Nse yandi kuno tuntulika a ng'anda awa." Nda kayeeya... Elyo Nda syoma oyu tauli muku teping'wa; ikuti na cala citwa, amu tyolaule teepu na ku kwiibikka ambali. Mwabona? Lino wa kati, ikuti... Nda kati, "Ikuti na eci ncencico, tuli munsi loko kwiinda mbo tuyeyea."

¹⁹⁵ Kuli cintu comwe eco ci jisi... eco ciyo citika. Naa cintucimwi ceelede kicitika kuli ndime lino. Elyo Nse boni kaambo Nca taka ndilekela kuunka cindi Ne kali kunselelo lya benchi eyo buzuba bumwi, mpawo, mwabona, ikuti na takukwe cintucimwi cimbi cakucita. Nkaambonzi? Nkaambonzi Nce taunka? Ncinzi cakacitika? Sa kuli cintucimwi cimbi cakucita? Nda kayeeya, "Ee, ikuti na Mulumbe wangu, bantu bayo nunsya mpemo zyabo kuli Nguwo."

¹⁹⁶ Mpawo, Cintucimwi cindiitila ku masena akutolela lusyomo. Nda kumvwa kwiitwa kulanduka lwizi, kuboola kuzwa kumasena onose.

¹⁹⁷ Lugwalo lwaka boola buyo mu buzuba bumwi, Mukwesu Ligger kulemba i—i bbuku lya muswaangano waku Durban. Wa kati, "Taakwe nokwa kweezyanisigwa. Africa kwiina noya kajisi kuzungaana mbuli kooko. Ku ciindi cimwi ca busiku bomwe eyi inyika ya musinze iya Africa yaka jisi kuzungaana oko kutana

kuba ako mu buumi bwabo.” Mbo mbubo, kumusanza akati ka muhedeni.

¹⁹⁸ Nda kalanga kumusanza okuyo, Nda kabona abo bantu basiya bacete, bantu bayandisi, kabona nzila bantu mbo bakali kubalanganya mbuli...kwiindilila kubija ku bazike. Kabona mulombe muniini okuya oyo...elyo Nda...kali kubeleka okuya, elyo Nda kati...Mulombe oyo, yebo buyo...Nywebo nobanakazi tii mwaka konzya kucita mbuli mu mazuba obile [Kabeela katakwecintu aa teepu—Mul.] na mazuba otatwe, canguzu mbuli mbo mwakali kukonzya kubeleka, mbuli mulombe oyo mbwa kacita mu buzuba bomwe. Wa kali kulala a paleti mu cisambilo ciniini, itandila kulampa kwa tukokola tone a tukokola tone mumbali, kuvungana atala alya. Elyo wa kali kujana paundi mu mweezi, ayo madollar obilo a maseeni ali eite. Elyo ta kakonzya kulya tufwefwelenga kuzwa ku tafule, bbakete lya busu; theedi yabo, kalimbabula; theedi yabo ku cisususlo; a theedi imbi busiku obo ku cilalilo. Kabeleka mane teeni, na ileveni, twelufu okuloko; buka cifumo citobela kumamela muvwanda a zintuzyonse zimbi, a kupolisha matantilo a kupukuta mootokala wa simalela. Elyo mutumbu, mupati, mucembele unenede katakwe ncacita pele kukkanbuyo konse okuya akukwala mala akutunwe twakwe kunywa tii, mutolo, utakwe buboto.

¹⁹⁹ Oyo mulombe uutakweankwaya wakacita kubeleka mbuli zintuzyonse. Wa kaciswa kukola, alimwi wa kalibonya mbuli kuti wa kali kutandila kuba antuntumaanzi, mbuli “Hauh, hauh, hauh.” Elyo buzuba bumwi Nda kalanga koonse okuya, Nda kati, “Sena wakasola kuba a mulombe oyo...Nkaambonzi to muleta ku muswaangano?”

²⁰⁰ “Walo ngu kkefa.” [Kabeela katakwecintu aa teepu—Mul.] Oyo waamba “mumpelenge.” Ta cigambyi bala nyema ku zina elyo. Inga ndacita, ambebo. Oyo muntu mukwesu wangu. Elyo ngooyo we. Tali muzike. Mubala wakwe taukwe cakucita ncico. Walo mukwesu wangu. Alimwi mpaawo wa kali boobo.

²⁰¹ Nda keenda kumbele, Nda kamwiita kuti “Thomas.” Mulombe wakali kukonzya kukanana mu zisyobo zyotatwe. Elyo Nda kati, “Thomas?”

²⁰² Nda kanyona, kawida ku matende akwe akutambika maanza akwe, kati, “Iiyi, simalela.”

²⁰³ Nda kati, “Koimikila. Nseli simalela wako, Ndili munyoko.” Nda kamu gambatila maanza. Wa kandi langisya booboo, elyo misozi mipati kaimbulumuka ku maseya akwe. Nda kati, “Thomas.”

²⁰⁴ Elyo Muuya Uusalala wakasika nkabela mpaawo kwakali cilengaano. Nda kamwaambilila cintucimwi. Elyo wa kati, “Iiyi, simalela. Obo mbo cakabede buya.”

²⁰⁵ Nda kati, "Thomas, kukola kwa kuleka, tokabi limbi ankuko." Elyo ta kacita.

²⁰⁶ Bantu kaba sosomona mali mu nkomo yangu, Nda kajisi atandila ku mwaanda amakumi ali lusele amapepa ayo *anapaundi* (caamba madollar obilo a maseenti ali makumi alilusele). Elyo Nda kayoowa ku caamba kuli nguwe; kuyoowa mwendelezi kuti naka mujana a ngawo, inga na kayeeya kuti wa kaabba alimwi mpawo naka muuma calufu. Mpawo Nda—Nda kati kuli simalela, Nda kati, "Ndila—Ndila tuyanda oyo mulombe. Andi mupe mali."

"Oh, peepe! Peepe! Ula mu nyonyoona."

²⁰⁷ Nda kati, "Uli nyongene loko." Wabona? "Ncinzi nco kkalilila awa? Elyo tociti cintu. Oyo mulombe ulacita ncito yoонсе alimwi umulekela kufwa nzala kumwi. Walo ujisi ii—ii banyina bakafwidwa a mucizi upengede, elyo mpawo wa mulekela kuba a dollar...madollar obile a maseenti ali makumi ali lusele mu mweezi." Nda kati, "Uyo tebula buzuba bumwi nkambo ka ceeco! Kuli bamakuwa bali mamilioni obilo a kutandila mamilioni ali mwaanda abantu basiya. Mu yooba a kupapila."

Kati, "Uta ambi ceeco mu America, eco cicitika awa."

²⁰⁸ Nda kati, "Nguni uyo ndaambila kuumuna? Leza alikke." Kati, "Ta cigambyi bantu bajisi kulimvwa kuyumuyumu, mu kulanganisigwa boobo." [Kabeela katakwecintu aa teepu—Mul.] Nceeco we. Elyo Nda kaba kulika.

²⁰⁹ Buzuba bunwi bakutausi basyoonto, makkola kanyonedwe, kalezu kaatala, bakasika ku Rhodesia.

²¹⁰ Pailoti mudaala muubauba wa griini waka nduulusya muli amwi maguwo mapati ali munsi lya ikkweeta, mpawo kainka mamaile obile kuboneka, atala mu luwo, kupupulika koonse. Tii twa kazi naa twakali sandamukide; ndeke kai pindamuka, aku pindamukaa, aku pindamuka. Elyo kumalekelo ya...Tii twakazyi naa yakali kuyaansi na atala. Elyo kumalekela yaka tuwaalila atala lya guwo pati. Elyo Nda kaciswa loko mwida lyangu cindi ni twa kazwa!

²¹¹ Bakutausi abo basyoonto, bakutausi ba Pentekoste, baka njila mu mootokala elyo bakali kundeenza kuselemuka mu Pretoria. Nda kaselemuka kuzwa ku Southern Rhodesia; alimwi Nda kaseluka okuya nkabela Nda kaciswa, nekuba. Elyo Mukwesu Baxter kakkede alya, kacisidwe, a Billy Paul, kacisidwe. Elyo mpaawa twa kali kweenzya kuselemuka kwini kwinda mu kkomponi; awo mpempawo bantu basiya abo bacita cintucimwi ceelede kusiya mukowa wabo, cibi cimwi ca mikowa, elyo bala njila omuya. Elyo tabaka balekeli kunjila mu dolopo, aboobo baponena mu tulyo twa tugabba tuniini na kufumbwa cintu ncoba konzya, tombe loko a zintu, nzya bwini. Elyo mpaawo bakaselemuka kwiinda awo, elyo Nda kabona

citondezyo awo, kati, "Mamaile ali makumi obilo mu oora." Elyo balo bantu bakali kuya bweenda mamaile aali makumi ali cisambomwe aosanwe mu oora. Balo bamatumbu bacembele kabazuza okuya kukwempa bavwanda baniini, twana tuniini, aciswe okuya mu kagwagwa, elyo kuzwa kutandila myaka yobile yakukomena kusika kuli osanwe na cisambomwe; kukwempa bana baniini, a kukwiila. Wa katandila nconzyo kujaya bone babo ku ciindi comwe.

²¹² Nda muumauma aa ciwezo, Nda kati, "Yawe! Ino ndi penzi nzi kuli nduwe?"

Wa kanyona, kati, "Ino waamba nzi?"

²¹³ Nda kati, "Nda kati, 'Ndipenzi nzi kuli nduwe?' Kocesya kweenzya cintu eco!"

Kati, "Tu jisi malailile aku kusisa kokuya aa ciindi."

²¹⁴ Nda kati, "Nda kupa malailile aku imika." Elyo wa kati... Nda kati, "Sena to jisi luyando ku bantu abo?"

"Bantu nzi?"

Nda kati, "Balo bavwanda baniini okuya mboli kutandila kusyonda."

Kati, "Abo mba Kkefa!"

²¹⁵ Nda kati, "Mause kuli nduwe! Ko liita lwako kuti Munakristo?" Nda kati, "Sena toyeeyi kuti oyo mutumbu waka muyeeya loko muvwanda wakwe, ikuti na wamujaya, mbuli banyoko mbo bakalino yeeya ndiwe na?" Nda kati, "Inga waba muntu buyo a utayide, pele luyandisylo lwa banyina lulilila muvwanda wakwe. To jisi mulimo wakucita cintu mbuli ceeco. Elyo uliita lwako..." Nda kati, "Cintu cimbi, eco citondezyo cakati 'mamaile ali makumi obilo mu oora,' Bbaibbele lyangu lyakati, 'Amupe Kaisara ezyo zya Kaisara.' Elyo wa kagogomeka mutwe wakwe. Nda kati, "Ko icesya kweenza kuba mamaile ali makumi obilo mu oora a ku langanya bantu mbuli kuti bakali babunyoko." Nda kati, "Mause kuli nduwe, kufumbwa cintu mbuli ceeco." Oh, ma, ba kafutumuka mbuli bacula kabalya nkolokotwa! Pele tii cakabamba lwaandaano luli loonse, Nda kabikka ijwi lyangu mukati, kuuma kwangu.

²¹⁶ Elyo twa kaunka koonse okuya nkabela bantu bakaziba kuti Nda kali ku lubazu lwabo, ku baletela i—i Mulumbe wa Makanimabotu. Elyo Leza...

²¹⁷ Ba kaboola okuya, akuba sanganya, akubikka bamakuwa ku lubazu lomwe, a bantu basiya, alimwi okuya bantu basiya tii bakali kukonzya kwaamba bbala neliba lyomwe kuli mbabo, na taakwe. I Muuya Uusalala wakali kuunka akati okuya a kuleta baciswa a bapengede a basunkuta, a ku baponya, aku ba lekela kukkanla awa mu kulimvwa kwabo kupati kwa kuba

baubaukide kwa kayakwa okuya. Tondezya obo Leza mbwa beleka a babombe mu moyo!

²¹⁸ Lino, oyo muntu tana tambula Mulumbe alimwi ulemba bbuku eelyo.

²¹⁹ Lino, ino Nde elede kucita nzi? I cintu, ino Nde elede ku . . . Sa—sa Nde elede kubweeda okuya? Lino, ikuti na Leza undiitila ku vangeli, nkokuti Nse konzyi kuba mulunguluzi Wakwe a muvangeli ku ciindi comwe. Nywebo buyo . . . ci . . . I milimo taika sangani, Ndili—Ndili buyo . . . Ndi lwana muuwo. Ikuti na Ndi yooba muvangeli, Nde elede kuba muvangeli. Ikuti na Ndi yooba mulunguluzi Wakwe, Ndiyo lisisa ku malundu kubusena bumwi a ku tantamuka; taakwe mbungano, taakwe mbunga, kusikila Ndi kamvwa kuzwa ku Mwami; a jintauka a ku Kuupa, aku jintauka kujoka. Mwabona? Cimwi ca zintu ezyo, cilapimwa mu cipimyo. Na calo camana. Ceelede buyo kuba cimwi ca zintu ezyo zyotatwe, kuli ndime. I Mulumbe wamana na kumwi Nde elede kujana cimwi ca zintu ezi zyobilo cakucita. Ta ndizi cakucita.

²²⁰ Busiku bwainda Nda kalota ciloto, elyo Nda kalota kuti Nda kali kuunka ku muswaangano, elyo Nse na bwene nkamu ili boobo ya bantu! Ba kabunganisiga mbuli mu stediamu mpati, kuciimo Mbwe kali kukonzya kubona. Elyo muntuumwi wakandi tobela oyo watakali Billy, elyo waka nditola kunselelo. Elyo Nda kali mu kaanda, nkepaila, elyo Nda kali kuboola ku . . . kunsi lya bunanike; kubaanga mukati mbuli mbo baciita, ku kubamba kumvwisywa, mbuli giya oko Nkwe kakonzya kumvwa kuti kwa keelede kuba kutweluka. Elyo mu lweendo mulombwana waka talika kwaambaula kuli ndime akuti, cindi nakacita, kutweluka kwa kamana. Nse kakonzya kukumvwwa. Elyo mpawo Nda kasola kulisomona lwangu kujokela muli ncico; Nse kakonzya kucicita. Nse kakonzya buya kucicita. Elyo Nda ka katala.

²²¹ Elyo Nda katalika kulanga bbunga mbuli mbo lya kasika. Elyo cindi Ne kacita, Nda kati, “Ee, Ndi jisi cibalo mu mizeeo yangu eco Nce zyi tubunga oto elyo nzila mbobaka balanganya bantu, mpawo Ndiyo kambauka Makanimabotu ayo mbuli boobo buyo canguzu mbuli Mbwe konzya.” Elyo cindi Ne keenda ku cibumbili, oko kwaka ndisiya.

²²² Kwiina kutweluka, kwiina umwi wa milumbe eyo; elyo Nda kaimikila awo, elyo nekubaboobo bantu bakali kulindila. Elyo Nda kati, “Ino Ndi cite nzi?”

²²³ Elyo Cintucimwi cakati, “Ko zumanana buyo. Ko zumanana buyo, wabona,” ciyo bambwa cindi Nda kusika okuya. “Kozumanana buyo kweenda.” Mwabona? Mpawo Nda kali mpoonyo awo aa plat . . . elyo Nda kasinsimuka.

²²⁴ Inga kwaba nkaambo kakuti Nda kali kuyeeya ceeco, Nda kalota ciloto cili boobo. Inga caba eco. Inga caba ciloto nca

kumuuya. Ta ndizi. Nse jisi bupanduluzi bwa ncico, Ta—Ta ndizi eco nco caamba. Nse konzyi buyo kumwaambila alimwi Nse—Nse zyi mbo cibede. Pele, kufumbwa mbo cibede, Ndili aa mbaakani yakusala kubusena bumwi. Mwabona? Kuli cintucimwi, cintucimwi kubusena bumwi.

²²⁵ Elyo Nda—Nda konzya kwaamba cintu comwe, nkabela Nse mvugwi kabotu. Na kwaamba nzila *eyi*, Ndi...ni nzila *eyi* na nzila *eyo*, umwi ila ijana mu lubazu *olu*. Elyo nzila mboibede, koamba cintucimwi kugama kutozya ku mbaakani, elyo umwi wa Ci mvwa munzila *eyi*, aboobo waambila umwi umbi akuyaamba ambele aniini, alimwi umwi utobela kuyaamina ambele aniini, utobela ambele aniini, mpawo Ya kazwa kulaale mu bweende bululeme. Umwi ula Umvwa nzila *eyi* imwi, ula unka nzila *eyi*, nzila *eyo*, a nzila *eyo*. Mwabona, elyo mulazwa. Elyo nje nzila mbo cili mu—mu miswaangano, azimwi zimbi, cindi mwano enzya ncobeni ku Kasena. Lino, Basale baya kukamvwa Kasena ako. Bala boola ku Kasena ako! Ba lizi, nkaambo Nda kaamba mbubonya buyo eco cakali kwaamba (Mwabona?) mbuli boobo, Mulumbe buyo, mbubonya buyo.

²²⁶ Lino, alimwi nce ncico Nce wamba, kuboneka kuti kuli kutamvwisya kunji ciindi coonse, cakuzumanana. Ino ncinzi? Sa...Sena Nda byala Mbuto zyoonse ezyo zyelede kusyangwa? Sa nciindi cili afwaafwi? Sa oyu mutumwa mupati ulibambilika kulyata aa cilao ndyoonya lino? Sa kuboola kwa Mwami kuli munsi? Sa kwiita kuzwa ku nyika eyi kusika kulii imbi? Sa Wa kandiita kuzwa ku vangeli?

²²⁷ Amuyeeye Ndili...Nda ka ciloolola ku mukaintu. Bunji bwanu mu bbuku...I buzuba mbo Nda kabikka ciswi cabuyake okuya, kutandila myaka ili makumi otatwe yakainda, moonya omuya mu kkona, lya kati omuya...Cifumo eco cindi Na kandi sinsimuna, elyo kali kkede mu kaanda omuya, akwalo ka Ndi tana sola kukwatana na kufumbwa cintu, mukambausi buyo mulombe, Wa kati, “Kocita mulimo wa muvangeli. Kutali...Yebo taakali muvangeli, pele kocita *mulimo* wa umwi,” wakabalulula Lugwalo kuli ndime. Cindi Ne kaselemuka kubona masamu obile, katyola limwi kuzwa *awa*...Iyabumwi alya triniti. Nse na kaainganya, Nda kazisyanga mbuli boobo. Mpawo Wa kabona mucelo kauwida mu janza lyangu elyo mpawo wakandi zuzya kuya ku Kalivari. Lino amuswiilile, Wa kati, “Cindi wazwa muli ceeci, kabale Timoteo Wabili 4, Timoteo Wabili 4.”

²²⁸ Elyo Ca kandisiya nke kkede mu kaanda. Nse kazi akwalo kuti cakali cilengaano. Nse kazi cintu ca kuciita mpawo. Nda kali kubikka ciswi cabuyake (buzuba obo) bwa ntalisyo okuya. Cili lembedwe, cili bikkidwe moonya omuya mu ciswi cabuyake lino, a kuti:

...cita mulimo wa muvangeli, tondezya cakuzula mulimo wako.

Nkambo ciindi ciya kuboola elyo niba taka zumini njisyo iini; pele kutobela zisusi zyabo beni...kuli janina balo antoomwe kuyisya—bamayi, abo mbe bayanda kuswiilila ku myoyo yabo;

...elyo bayo nyonwa kuzwa ku Bwini kuya *kuli zya mankwangwalizya*. (Obo mba bumwi a triniti, ba kaimpya i...)

²²⁹ Lino, Ta kaamba kuti “uli muvangeli,” Wa kati, “Kocita *mulimo* wa umwi.” Mwabona? Lino, sa ciindi casika? Sa Ndi zumanane a ceeco na sa ciindi casika ku cintucimwi cimbi? Eco Nce tazi.

²³⁰ Nce ncico Nce kali kuyanda, kwaambaula kwa moyo ku moyo kuli ndinywe. Elyo Nda indilila ku ciindi cangu ndyoonya lino, ca kumulekela kuunka, mundi jatile ku mujata kwa ciindi cilamfu.

²³¹ Pele, ikuti na Mwami wayanda, Mukwesu Boze ka taninga kuboola Munsondo muboola, Inga ndaboola cifumo Munsondo alimwi antela kuzo kanana aa ciiyo eci ca *Vangeli ly a ciindi Caku Mangolezya*, na cintucimwi mbuli ceeco, mwabona, ikuti na cili kabotu kuli nduwe, omweembeli. [Mukwesu Neville waamba, “Kuli kabotu! Alumbwe Leza!”—Mul.] Mwami nawayanda, Munsondo mutobela cifumo. Elyo Nda kali kuyanda kukanana ali ceeco sunumasiku, elyo Nda kali kuyooba a mubandi wa moyo ku moyo ndiza ciindi cimwi cimbi, pele Ndi limvwa kuti inga cabota nzila eyi, ndiza, mwabona, ikuti na olo nduyando lwa Mwami.

²³² Ndino mukombela. Kamuno ndikombela. Uta—Uta ambi buyo kuti, “Mukwesu Branham, Ndiyo cita.” Ko cicita! Wabona? Ndi yaamina ali ceeco. Ndime oyo uyandikana mupailo, ikuti na Wa konzya kundi tontela kubusena bumwi. Amuyeeye, Ndili muntunsi, Nseli Leza. Ndili muntunsi buyo mbuli mbo mubede, kusola kujana luyando lwa Leza kutegwa Ndi konzye kweenda muli ndulo. Taakwe mutu ukonzya kuziba kusikila... “Elyo oyo uubulide busongo alombe Leza.” Elyo nce ncico Nce cita, kulomba Leza. Elyo Ndi bikka buyo eco kuli ndinywe mbuli mbungano yangu, mubandi waku moyo a moyo. Ino, mpaali mpo tubede? Mpaali mpo twiimvwi? Ino tupona mu oora nzi? Tuli ku ciindi camamanino, Nda syoma. Nda syoma tuli nkoonya okuno ku mamanino.

²³³ Lino, inga yanyona nzila imwi na imbi. Aboobo nywebo... Antela mulimo wangu wamana, na Nda itwa kuya ku masena akubelekela kulaale, na kumwi Uyo bamba muvangeli na mulunguluzi. Cimwi ca zintu ezyo ceelede kutola busena, nkaambo Ndili ku mamanino. Ta ndizi cakucita. Ta ndizi nzila ya kuunka. Noiba miswaangano eyi, eyo Nje langanya, Nda kali

kukomba, Nda kati, "Mwami, Nse ko cita mbuli Mbwe kabede. Ndiyo cilanganya mbuli Mbwe kacita kaindi okuya, Ndiyo wida kujoka ku vangeli elyo kusikila Uka ndipe kwiitwa oko kuli ceeco Nce elede kucita."

²³⁴ Nda—Nda byala Mbuto koonse, mateepu akainka ku inyika yoonse, Milumbe yangu yeenda koonse ku inyika, mambungano onse aliuzyi kujatikizya Nguwo, koonse, alimwi eco Taata nca kasala Uyo ciita. Mwabona?

²³⁵ Elyo lino ciboneka mbuli kuti Uba cilebyo kuli mbabo. Oh, taba yandi cintu cakucita a Nguwo. Peepe, munene. Sa Ndi inke buyo akuyo kombela balwazi, a mulumbe muubauba mubombe ali ceeco, a—a kubona nzila Muuya Uusalala mbo undisololela? Eco nce cili mu mizeezo yangu cakucita kusikila Aka bambe lwiito lumbi. Nkaambo muntu tazyi eco cakucita kusikila wa mvwisya kuzwa kuli Leza eco cakucita, kusikila wajana kwiinkwa.

²³⁶ Elyo Nse—Nse yandi kukkan kkalaa buyo a ng'anda. Oyu Mulumbe uli aa moyo wangu. Bantu bali mukufwa, kuwa, kuya mu Butamani. Ino inga Nda citanzi? Andi Umpute koonse Nkwe konzya, a kwaamba makani aa Mwami Jesu kusikila Aka cinca busena. Kamundi kombela, Ndino kombela. Ndi langila kuyo kocita boobo.

²³⁷ Lino, amuyeyeye Bwatatu masiku, muswaangano wa mipailo, a Bwasanu masiku, muswaangano wa baalumi. Sa uyooba kokuno? Kwayanda njooba kunselelo kuyo mubona nyoonse, Nda kamwaambilaa kuti Ndiyo boola a kumubona masiku Bwasanu. Yaa, mpawo Munsondo cifumo, na Mwami wayanda, Ndiyo kanana aa *Vangeli ly a ciindi caku Mangolezya*, ikuti na Mwami wayanda; inga cacinca, ta zyi. Pele nce ncico Nce yeeya ndyoonya lino, musyobo wa bavangeli bayooba mu ciindi caku mangolezya. Elyo mpawo Munsondo masiku, cipekupeku ca Mukwesu Boze, a kuyeyea eco eno. Elyo kamu tukombela, nkambo mwiki itobela twa njila mu muunda wa butebuzi, Mwami nawayanda.

Sena ula Mu yanda? Amen!
Sa uyo Mu belekela? Amen!
Sa moyo Mu syoma? Amen!
 Amen! Amen!

Ngu Taata. Amen!
Walo Mwana. Amen!
Walo Muuya Uusalala. Amen!
 Amen! Amen!

Ka ciimba. Amen!
 Amen! Amen! Amen! Amen!

Sena ula Mu yanda? Ameni!
Sa Ula boola? Ameni!
Sena uli libambilide? Ameni!
Ameni! Ameni!
Sa inga kwaba sunumasiku, sena uli libambilide? Ameni!
Kwa cifumo, sa uli libambilide? Ameni!
Kufumbwa ciindi, sa uli libambilide? Ameni!
Ameni! Ameni!
Ka ciimba. Ameni!
A koongolola. Ameni!
A kukomba. Ameni!
Ameni! Ameni!
Bool Mwami Jesu. Ameni!
Citya Mbungano Yako kulibambila. Ameni!
Tula libambilida. Ameni!
Ameni, Ameni!
Yanda kubona baama. Ameni!
Yanda kubona baaata. Ameni!
Ndi yanda kubona Mufutuli wangu. Ameni!
Ameni! Ameni!
Oh, sena ula Mu yanda? Ameni!
Sa uyo Mu belekela? Ameni!
Sena ula Mu yanda? Ameni!
Ameni! Ameni!

²³⁸ Taata wesu Wakujulu, eyi ni yesu . . . nyimbo niini ya *Ameni*. Tula yandisya kuyisya Kwako, toonse tu laamba “Ameni!” Tula uyanda Muuya, “Ameni!” Tula syoma kuti Ula boola, “Ameni!” Ijwi lyoonse Ndyo kanana mu Bbaibbele Lyako, Mwami, tula Li zmina kubelesya “Ameni!” Tula syoma Ijwi lyoonse lya Ndilyo, ku Li yiisya buyo mbuli bubotu bwa luzibo lwesu, nzila buyo mbo Li lembedwe, pankushuationi yonse, haifeni yonse, bali yonse, kkoma yonse, nzila buyo mbo Li lembedwe, ku bubotu kwa luzibo lwangu.

²³⁹ O Leza, ko tuboozya, Mwami. Kotupa kukkutila kupati oko nko tu sukamina, kuti swebo buzuba bumwi tuyu mvwa kulila kwa Baangelo mbuli mbo baya kupasukila mu ciinduluko ca Aleluya mu milengalenga, mbuli Jesu mbwayo libonya kulaale nkabela Mbungano iyo kwempwa.

²⁴⁰ I batasyomi bayo gambwa, “Ncinzi cactika, ndipenzi nzi ku bantu? Nkokuli nko baunka?” O Leza, taba kamvwisyi, taba ka Mu boni akwalo. Pele Mbungano iyo Mu bona, nko kuti, baitidwe kuzwa, Basale, bakazyalululwa, bayo zimaana buyo. Taba kazibi mpo babede, ba zyi buyo kuti tabako; ba yooba a Mwami wabo.

²⁴¹ Mpawo ku ciindi eco, Mwami, sa tacikabi caba cintu ciyoosya kapati ca kusiigwa waano, mukuziba kuti ciindi ca

lufutuko ca kainda? Takucikwe lununuko! I Lugwalo lwa kati, “Alekwe oyo usofweede ka cisofweede, alekwe oyo uutasalali.” Oh, ino ndi oora liyooba!

²⁴² Akube kuti tubambe lino, Mwami. Ino nciindi cibotuloko mbo ciyooba ikuti na twa libambilu buyo kuyo Ku swaana, Taata, a kobamba myoyo yesu mazuba oonse. Elyo ikuti na twa lubizya a kuwa, mbuli obu buntu butakweankobuya bwa kalembwa mu mubuzyo oyu sunu, balekele bazibe kuti Bulowa bwa Jesu Kristo bula salazyza zibi zyoonse. Oyo muntu takanzi kucita ceeco, Mwami. Bali mukufwa nzala a nyota, kusola kujoka kutala mu luswaanano olo lwa Muuya. Koba sumpula, Mwami. Banyamune atala lya inyika eyi, ya makumbi manji akuusa; atala, oko Kubala kwazuba nkoku konzya kumweka aa buntu bwabo alubo. Ba kaloka ansi kunsi lya i—i—i horizonti mpati ya i—ya makumbi, alimwi bali kunsi mu tombe, kunsi mu cibi eco. Pele bakapona lumwi atala okuya mu Mumuni wazuba. Ba—ba yanda kujokela alubo, Mwami. Ba josye sunumasiku, Mwami. Elyo ikuti na kuli bamwi awa bata peda bumboni bwakuba atala alyya, a kuziba kuti . . .

²⁴³ Toonse otu tudandamiti okuno a zintu zyoonse zili buyo mu kuzuminana ncobeni a Ijwi Lyako, mbubonya buyo nzila zintu mbo zyeelede kucitika. Elyo tula bona kuti mbungano yanyika nzila mbo bakacita. Tu—tu bona buyo—buyo mbuli mbo kwakabede mu mazuba akwa Nowa, mbubonya buyo mbo kwakabede mu mazuba akwa Sodoma, mbubonya buyo eco Jesu nca kaamba kuti ciyo citika; kuselauka kwa mayuwe; obo banakazi mbo baya kweenda a kusama, anzila mbo baya kutwela, alimwi—alimwi kwenda munzila njo bacita, a kulibbwaya a kulinyonauna, a kulilemeka . . . mbubonya buyo musinsimi mbwa kaamba. Buyo eco Daniele nca kaamba, “I butale a bulongo tii bwaka konzya kuzuminana antoomwe.” Elyo, oh, zintuzyonse, zya zulizigwa, Mwami. Tuli nkoonya ku ciindi camamanino. I zimvule zili mukuvumbilila, Mwami. I mimuni iisubila ilamweka, milangu ilalila.

²⁴⁴ O Leza, lekela bantu Bako kumvwisywa kuti cakufwambaana Angelo uyo bikka cituta aatalaa nyika a lwizi a kutambika maanza Akwe a kwaamba, “Ciindi tacikabi limbi!”

Mpawo O, ino nkoomoka a kulila,
Cindi basweekede ba kwaambilwa bubi kuya
bacitikila;
Bayo lila ku myaala a malundu,
Bayo komba, pele mupailo unomukide loko.

²⁴⁵ Lino mbuzuba bwa lufutuko. “Alekwe oyo ujisi matwi amvwe eco Muuya nco waambilu mambungano.” Ko cipa, Mwami.

²⁴⁶ Akube kuti kutabi muntu omwe ano utakaimpyi ku buzuba obo bwa Kukwempwa. Akube kuti tu zulwe loko a luyandisyo

Iwa Leza a Muuya wa Leza kusikila Muuya Uusalala uka tukwempe antomwe a kulindila, na akwalo tuyu lyookezya mu caabilo cesu. Mbuli Mbo kaamba kuli Daniele, “Koya mu lweendo lwako, Daniele, nkambo uyo lyookezya. Pele ku buzuba obo uyo imikila mu caabilo cako.”

²⁴⁷ O Leza, Wa kati, “Abo basandula banji ku...kuzwa ku cibi kuyaku bululami bayo mweka kwinda nyenyeezi kwalyonse a lyonse.” Ino mbuzuba! Pele balo babi bayo sandukila mu lunyonyooko. O Leza, bamba bantu kumvwisya busena bwabo ndyoonya lino mu buumi, kutegwa baka sandukile kuli Umwi Mululami kakutaninga kumukisya kuteeli. Ko cipa, Taata.

²⁴⁸ Lino a mitwe yesu kiikoteme kwa kaindi kaniini, mu mupailo wa kujala, sa inga kwaba umwi uyanda kwibalukwa, kwaamba, “Mukwesu Branham, Nda tambika janza lyangu, kutali kuli nduwe pele kuli Leza. Akube kuti Leza abe siluse kuli ndime nkabela Nka beko ku buzuba obo, kasanzigwa mu Bulowa bwa Kabelele”? Leza aku longezye. Leza aku longezye yebo, yebo, yebo, yebo, maanza manji.

²⁴⁹ Lino, Leza Taata Wakujuju, longezya umwi, onse aumwi. Wa abona maanza abo. Uli izyi myoyo yabo.

²⁵⁰ Elyo tula mvwisya, Mwami, kuti tu...cintucimwi cila fwaafwi kucitika. I inyika ili cizyi, balaimba inyimbo, a matelevizhoni azwide kudana kwa kansondo a nyimbo. Ino bacita nzi? Mbuli mulombe muniini kasiba mu mudima, kainda munsi lya namaumbwe, kayoowa calufu, kusola kutontonzya singa zyakwe ku kusiba. Walo ulyeena buyo. M bubonya eci cisi ciseka biyo, kudana, kusekelezya, mbuli mbo Lya kaamba kuti ku ciindi ciya kusika nibaya kucita ceeco, “Kuzwa ku Bwini kuya kuli zya mankwangwalizya,” a nzila kuti “mu mazuba aakumamanino kuti kuyo boola basikusabula a basikucita zyakuseka,” a nzila zintu ezi mbo ziyooba ku ciindi camamanino, “basikainya, basikuli-sumpula, kaba jisi ciwa ca bukombi, kuzwa ku Bwini,” elyo tula cibona ndyoonya lino.

²⁵¹ O Leza, sinsimuna bantu! Amu baleke bamvwisyey kuti bala konzya kuba bakaanzambwene ndyoonya lino kuti bazwa ku lufu kuyaku Buumi. Cindi twa tambula Kristo, Muuya Uusalala, tula sumpulwa atala lya inyika. Mpawo tula ziba kuti twa kabuka kale a Nguwe, alimwi tu lindila buyo ku kucinca oko oko lufu noluya kumana mu zilao zifwika, aya mavwili masyoonto aa buumi bufwika oyo azynkuluka mu magano esu, ayo nunununwa. O Leza! Elyo mpawo tu yooba a mubili mbuli Wakwe a kupona Cabutamani a Nguwe, Nyika mpati ya cisymezyo, mukuba a Citondezyo.

²⁵² Kutabi umwi wiimpya, Mwami. Abo batambika maanza abo, akube kuti basweemukile (sunumasiku) mu Bwami. Ndiza cindi baunka ku ng’anda, ndiza mwaalumi kati ku mukaintu wakwe, “Oyandwa, cintucimwi candijata sunumasiku”; na mukaintu

akati ku mulumi, "Oyandwa, Nda—Nda limvwa bweenzu loko." "Iiyi, oyandwa, atu fugame awa kumbali lya bulo. Ta tuna cita ceeci, pele atu kombe sunumasiku. Atulombe Leza kuba siluse kuli ndiswe a kutu bunganya. Nda kuyanda, omuyandwi."

²⁵³ Elyo i—i umbi, mweenze wati ku muzyazi, anzila mbo bayanda umwi aumwi, "Ndi—Ndi—Ndi yanda kuba ku Julu a ndinywe. Nse yandi ku liimpya. Elyo buzubabumwi cindi twa tambulwa ku Muunzi nkabela Njo kutola ku kuboko a kweenda kuselemuka kwiinda mu tuzila tupati a myuunda Iitamani, awo kabelele a—a mulavu nobaya kulala antoomwe, a umpe a i—i ng'ombe ziyo lala antoomwe. Elyo takukabi limbi lufu alimwi taku cikabi kuusa. Elyo mbuli mbo tweenda omuya a twiimbo twa cilao katuzula luwo, twa Baangelo, makkorasi atala lyesu, mbuli Baangelo mbo bayu kutu tambula ku Muunzi, Ndi yanda kuyooba a nduwe okuya, oyandwa. Nda—Nda kuyanda. Ndiza uya bucembala, Nda kuyeeya cindi Ne kakwatanya, busyu bwako buniini bubotu." "Elyo—elyo yebo, elyo Nda kuyeeya, oyandwa, cindi nokali mwaalumi mukubusyi mubotu."

²⁵⁴ Pele zyoonse ezi ziyo boozegwa. Oyo wa kapenta busyu bwako bubotu ciindi cimwi ujisi i—i kkopi ya mbubo mu mizeezo Yakwe. Inga wabupenta alimwi okuya kutala oko nkobuta kayabaali. O Leza, lekela bantu bazi cuti eci tacili ciloto cakuyeyela buyo, pele bwalo ii—ii Mbwini, alimwi Leza, Muuya Uusalala, uli waano kupa bulunguluzi. Ijwi Lyakwe muciindi ca makkalo lya kanana kujatikizya ncico. Atu lange musule a kubona, kubala makani esu aakale. Elyo kufumbwa muntu wakasola kuba ciyandisi aa nyika walo muntu, muntu uuyoowa Leza, akwalo ku Baleli besu mbuli Washington, Lincoln, a bamwi bambi, ba *Joshua*, a—a boobo...ba *Musa*, a baabo ba... Bantu balemu ba inyika bakali bantu bakali kusyoma muli ceeco, alimwi baka namatika bumboni bwabo, a kulindila okuya bubuke obo. Tu jisi kabalwebalwe ka mbubo, Cizibyo.

²⁵⁵ Nda komba lino cuti ku mupailo wangu Uyo tambula bantu aba a mipailo yabo a kubatola mu Bwami. Twa cilomba mu Zina lya Jesu. Ameni.

²⁵⁶ Leza amu longezye, abe muvubi mu luse kuli ndinywe, kubamba busyu Bwakwe kumwekela ali ndinywe, a ku mubamba, a kumulongezya mu zilongezyo zyoonse Zyakujulu.

²⁵⁷ Lino Nda amba ceeci, kutali calunya, pele mu luyandisyo. Nda komba cuti yebo ata Mu zyi, cuti pilo yako iyo yuma loko cakuti toka kakonzyi koona limbi, cakulya cako ciya kubija akapati kusikila toka konzyi kucilya limbi, kusikila ukasobelele ku lubazu lwa kubusena bumwi a kwaamba, "Mwami, koba siluse kuli ndime." Eco tacili ku lombozya cimwi cilubide kuli nduwe. Eco nca lugwasyo lwako, mukwesu, mucizi. Nda komba buyo cuti ciyooba mu nzila eyo kuli nduwe.

Mane tuka swaangane! mane tuka swaangane!
 Mane tuka swaangane ku matende aa Jesu;
 (Mane tuka swaangane!)

Mane tuka swaangane! mane tuka swaangane!
 Leza abe a ndinywe mane tuka swaangane
 ciindi cimbi!

Leza abe a ndinywe mane tuka swaangane
 ciindi cimbi!

Ku kweenzya Kwakwe kwalulayo, ku
 mujatilila,
 Amuume mayuwe ayoosya kumbele lyanu;
 Leza abe a ndinywe mane tuka swaangane...

²⁵⁸ Lino ku kaambo ka bakaindi, atu sukane maanza a muntuumwi lino.

Mane tuka . . .

Mwami Jesu, bamba . . . ? . . . koonse, kogwisya cilwazi a kumupa ciimo cilondokede, Mwami, mu Zina lya Jesu.

Mane tuka swaangane ku matende aa Jesu;
 (mane tuka swaangane!)

Mane tuka . . . ? . . .

Mane tuka . . .
 . . . aa Jesu' . . .

²⁵⁹ Mula yeeya na kuti twa kali kwiimba nyimbo ezyo? Atu . . . Elyo olu lumbi twa kali ku lwiimba, myaka minji yakainda, Ta ndizi naa kuli umwi uliko awa na pe, cindi nitwa kali kunga twa swaanganya maanza kuzunguluka stoovu yakaindi awa, a ntimba aa cibuye. Mula yeeya obo na? Twa kali kunga twaimba:

Tuya bweenda kuyaku Zioni,
 Zioni, mubotu mubotu;
 Tuya bweenda kutanta kuyaku Zioni,
 Oyo Muunzi wa Leza mubotu.

²⁶⁰ Nywebo mulizi na mu Mileniamu obo Zioni mboiya kuba? Ku yooba Mumuni aa Zioni, alimwi uyooba wa cimyule kuzwa ku zuba mu ciindi casikati alimwi mbuli Mumuni ku masiku, nkambo takukabi masiku okuya. Oh, ma!

I myuunda ya Zioni ilazyala
 Ii bubotu busetekene buli zyuulu
 Katutana kusika ku Cuuno cabwami eco
 Cakujulu,
 Katutana kusika ku Cuuno cabwami eco
 Cakujulu,
 Na kweenda tugwagwa twa ngolide,
 Na kweenda tugwagwa twa ngolide.

Boonse antoomwe lino:

Tuya bweenda kuyaku Zioni,
 Oh, Zioni, mubotu mubotu;
 Tuya bweenda kutanta kuyaku Zioni,
 Oyo Muunzi wa Leza mubotu.

²⁶¹ Nda iyanda ncobeni eyo, Ndi yeeya kuti ni mbotu loko. Lino, sena mula ziyanda nyimbo zya ciindi cakale? Ndi yeeya kuti zyoonse zibotu loko kwinda ezi zintu zyaka gonkaulwa nzo tujisi sunu zitegwa ni nyimbo. Ndila iyanda ncobeni. Elyo Nda kali kunga ndaimba lwimbo lwakaindi mu mbungano, mula yeeya:

Busena, busena, iifyi, kuli busena,
 Kuli busena ku Kasensa bwako.

²⁶² Oh, ma! Ezyo nyimbo zibotu, zyakaindi, Nda syoma peeni yakasololelwa aa Muuya Uusalala, oyo wakalemba nyimbo ezyo.

Munsi maningi, Leza wangu, kuli Nduwe,
 munsi maningi kuli Nduwe!
 Nekubakuti caba ciingano cindi sumpula.

²⁶³ Nekubaboobo, Charles Wesley abalo balembi bapati bakalemba nyimbo mbuli ezyo, balo basikuyabila. Cila botelezya, Ndi yeeya kuti nzibotu loko. Elyo mpawo twa kali ku... Mula iyeeye eyo:

O Nyika ya Beula, Nyika mbotu ya Beula,
 Mbuli atala lya cilundu cilamfu loko Nda
 imikila,
 Nda langa kule mutala lya lwizi,
 Oko kuli maganda Ngo kandi yakila.

²⁶⁴ Mula yeeya na ciindi citaanzi oyo Angelo wa Mwami nakabonekela kunselelo lya mulonga? Twa kali kwimba:

Aa nkomwe ya Jordano iizwide guwolyamvula
 Nda imikila,
 A kulanzya liso lya kulombozya,
 Ku nyika ya Kenani mbotu ya kukkomana,
 Oko lukono lwangu nko lubede.
 Ndiya kunyika eyo ya cisymezyo,
 Nguni uti boole a kuunka a ndime?
 Ndiya kunyika eyo ya cisymezyo.

²⁶⁵ Kuciindi notwa kaimba eyo, Jwi lya koongolola kuzwa ku milengalenga, elyo mpaawa kwa kaboola Musumpululu wa Mulilo oyo mupati kazunguluka nkoonya kunselelo a kwaamba, "Mbuli Johane Mubapatizi mbwa katumwa ku sololela kuboola Kwakwe kutaanzi, ujisi Mulumbe uyo sololela Kwabili." Amulange oko nkowa kaunka. Eyo myaka ili makumi otatwe aumwi yakainda. Amulange oko Nko wakazwida kaindi, kuzunguluka inyika mu mulilo wa lubukulusyo. Elyo lino twa ubona kautontola. I ciindi cili afwaafwi.

²⁶⁶ Atu kotamike mitwe yesu lino, kuyeeaya koonse kwaambilizya.

²⁶⁷ Mweembezi Mupati wa butanga, oyo ngo tu langa kubona kuboola buzubabumwi, myoyo yesu isukamina oora eelyo cindi notuya ku Mu bona. Buzuba bumwi Wa kakkala aa cilundu nkabela Wa kayiisya bantu Bako, Wa kat, “Kamuno paila mu ciyanza eci:”

Taata wesu Oyo uuli ku Julu, Alilemekwe Zina Lyako.

Abuze Bwami bwako. Alucitwe luyando lwako ansi ano, mbuli mboluli ku Julu.

Ko tupa sunu cinkwa ca mazuba onse.

Elyo tulekelele milandu yesu, mbuli mbo tu lekelela abo abalo ba tubisizya.

Elyo ta tweenzyi mu kutepaulwa, pele tuvune ku bubi; nkambo Bwako Mbwami, a nguzu, a bulemu, kwa lyonse. Ameni.

²⁶⁸ I Bbaibbele lyakati, “Elyo ba kaimba ciimbo nkabela ba kazwa.”

Ko tolelela Zina lya Jesu,
Mwana wa buusu a mapenzi;
Liyo kupa lutangalo a luumbulizyo,
Ko Li tola konse nkoya.

Zina liyandisi, O mbolili bbotu!
Bulangizi bwa nyika a lutangalo lwaku Julu;
Zina liyandisi, O mbolili bbotu! (Mbolili
bbotu!)

Bulangizi bwa nyika a lutangalo lwaku Julu.

²⁶⁹ Sena eyo taili mvwisyi kabotu? Kulekela buyo lomwe, lomwe buyo awa, a waawo, a kuswiilila kuli njiyo alimwi kuciindi notwiimba:

Ku Zina lya Jesu kukotama,
Kuwa cakufugama ku matende Akwe,
(Mwabona?)
Mwaami wa bami ku Julu tuyo Mu samika
musyini,
Cindi lweendo lwesu lwamana.

Oh, sa eyo taili mbotu? Atu bone:

Ko tolelela Zina lya Jesu,
Mboli Ntobo kuzwa ku tooze toonse;
Cindi masunko aku bungilila,
Koamba buyo Zina eelyo Lisalala mu mupailo.
(Wabona?)

O Zina liyandisi! Atu yiimbe:

Ko tolelela Zina lya Jesu,
Mboli Ntobo kuzwa ku tooze toonse;
Cindi masunko aku bungilila,
Koamba Zina eelyo Lisalala mu mupailo.

O Zina liyandisi, (Zina Liyandisi!) O mbolili
bbotu! (O mbolili bbotu!)

I bulangizi bwa nyika a lutangalo lwaku Julu;
Zina liyandisi, O mbolili bbotu! (Mbolili
bbotu!)

Bulangizi bwa nyika a lutangalo lwaku Julu.

²⁷⁰ Lino, twa lombwa ku kotamika mitwe yesu, mweembeli wesu
ula mwaisya mbunga mu mupailo. Leza aku longezye, Mukwesu
Neville.



MIBUZYO A BWIINGUZI TNG62-0527
(Questions and Answers)

MATOBELANWA AA KULILEMEKA, MALAILILE A NJIISYO ZYA MBUNGANO

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa Munsono mangolezya, Kaandakanini 27, 1962, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org